



詩持三集目錄

卷之七

熊文舉

雪堂

十首

張陳鼎

梅岩

十首

朱軒

韶九

十一首

杜濬

于皇

五首

宋慶遠

南陔

十四首

沈際淳

采臣

四首

沈際盛

虞臣

二首



沈際亨

次長

一首

秦松齡

留仙

六首

吳興祚

伯成

八首

盧紘

元度

八首

趙與榘

楚材

九首

顧開雍

偉南

五首

黃虞稷

俞邵

四首

顧子采

天石

四首

吳嘉紀

野人

三首

曹爾垓

十經

五首

汪洪度

于鼎

二首

沈楫

弘濟

一首

余懷

澹心

九首

王余高

自牧

二首

顧有孝

茂倫

三首

左士望

稚姜

六首

趙夔

冀野

三首

李可植

直木

五首

吳全融 雪園 四首

及丹生 山夫 二首

王士楨 微士 十三首

汪文楨 周士 七首

岑余獻 青岳 三首

釋海遐 介旭 二首

黃錫衮 素公 五首

鄧光汴 宇開 六首

李煒 赤茂 八首

林逢震 青湄 三首

黃容 敘九 五首

熊文舉 雪堂 新安金世仁潛五叅閱 新建人所著有取廬集

同遂初南歸舟中雜詠

行行重行行 一往抒懷抱河漢淡秋空蒼烟迷

古道茫茫

詩持三集卷之七 目錄終

卷之七目錄

枕江堂

汪文楨

周士

七首

岑獻

青島

三首

釋海選

介旭

二首

黃允容

字開

六首

林發靈

青島

三首

詩持三集

卷之七

閩中魏

憲惟度評選

新安金世仁潛五叅閱

熊文舉

雪堂

新建人所著有恥廬集

同遂初南歸舟中雜詠

行行重行行。一往抒懷抱。河漢淡秋空。蒼烟迷古道。豈不戀朋儔。榮名非所好。與君共舜華。倏忽成衰老。晚節未為淹。慎言強自保。仙人有佳期。贈予以瑤草。

舵樓何杳藹。短笛有哀音。攬衣不能寐。起步見  
雲陰。茫茫思大化。冉冉共浮沉。我有同心友。相  
許在高深。一朝愁失路。矢志慕投林。千秋樂知  
已。但撫伯牙琴。末見知己之難。是兩人自許處。

偶懷用左思招隱韻

懷抱忽不樂。悵然觀古今。一從別君子。止酒罷  
鳴琴。寒風激平楚。冷月下空林。夢思何杳渺。書  
信亦浮沉。啾啾黃鳥至。惠我以和音。感茲傷闊  
別。撫景動悲吟。念昔臨岐淚。晶瑩尚滿襟。人生  
奄顛頓。華髮修盈簪。

白帝城

白帝城猶峙。永安定可尋。英雄情掩抑。今古事  
浮沉。落日玄猿絕。孤筇芳草深。無由弔詩史。寂  
寞少陵心。

戊午讀書寧和山中

一水環明鏡。孤峰敞畫屏。夜深星漢近。春到雨  
風靈。勝日懷良友。蕭齋重典型。滄浪漁唱罷。誰  
復枕流聽。靈字用得幻。

疏救黃石齋先生

燕幕誰深念。憂天獨此人。感知頻泣血。起草獨批鱗。詰責煩明主。封章媿小臣。一時昭帝鑒。舞蹈動臣鄰。

驚喜真情溢于毫楮

田舍簡孟肖形師手授詩統

沁雪猶存紙上痕。清秋梧葉下荒村。長思國難遲經瀆。已愧師恩枉及門。學道頓驚雙鬢禿。贈書留覽兩眸昏。懷湘滿掬江臯淚。擬些難招天上魂。

巴東縣

亂山無主綠雲生。絕壁懸崖赴錦城。殘驛久荒更漏靜。獨欹孤枕聽猿鳴。

良夜集滄浪亭觀女劇演新翻秣陵春同

遂初博菴賦呈太虛宗伯寄梅邨祭酒

亭外山河照酒樽。玉人低唱易黃昏。南唐往事猶如此。應為孤臣更愴魂。  
小亭深坐百花園。唱到傷心夜漏稀。第一風流須穩護。莫教輕逐彩雲飛。

張陳鼎 梅岩 秀水人

毘陵道中  
行行別故鄉。望望毘陵道。歲月何遷次。山川良  
悠邈。仰瞻出岫雲。俯聽辭林鳥。飄飄靡定蹤。客  
行動。懷抱。孤矢志四方。應須致身早。引領希春  
陽。躑躅慙小草。

渡江

揚舲遡大江。輕帆向瓜步。東溟浴晨曦。蒼蒼散  
烟霧。金焦鐵甕間。指點遙四顧。長風習習來。層  
瀾。搖。積。素。奇。懷。送。天。末。壯。志。馳。皇。路。擊。楫。彼。何  
人。憑。欄。獨。遐。慕。

贈秦中杜方叔兼懷其伯氏蒼舒

何來嘉客停高軒。巍峩卓犖今大賢。轆轤之劍  
珊瑚鞭。錦衣寶帶何翩翩。自言家世居秦川。朝  
遊灞橋夕藍田。揮指五陵諸少年。詩名籍籍天  
下傳。論文把臂投。片言酒酣落筆生。雲烟伊余  
匹馬春。適燕偕君伯氏相周旋。長安酒家同醉  
眠。悲歌慷慨為流連。君家兄弟如蘭荃。江東渭



北時夢牽梅花吐玉開春先將折一枝遥寄焉  
舟次維揚

隋家行樂地猶是古江都綠水如襟帶紅樓作  
畫圖拾花香染袖看竹酒盈壚為訪雷塘路萋  
萋掩翠蕪

宿邵伯同年史壽平招飲不赴

風雨邗江路輕帆向夕收客懷同野鶴旅夢傍  
閒鷗空闊天連水微茫樹隱樓殷勤謝良友莫  
問剡溪舟

寄懷毘陵陳伯鶚先生

澤國河渠政早成雄都分鎮虎符兵千邨日暖  
雲帆集萬島烟銷海戍平別浦樓船連鉄甕隔  
江花柳望蕪城公餘合汎蘭陵酒一向春申嶺  
上行

春日同張王兩明府遊佘山和韻

曲曲寒流旌旆迷攜樽直至佘峰西人家盡在  
桃花路客舫偏浮楊柳溪古寺疎鐘行處落暮  
山空翠望中低庾公逸興誰能似白雪吟成大

小堤

三四中唐秀句

丁丽三枉集茅齋依韻奉酬兼送歸楚

征衫五月返天涯。倚石開樽對晚霞。漫說琴書

多黯淡。轉憐松菊正清嘉。銀燈剪處詩初就。畫

角吹殘斗向斜。君去銅鞮聽舊曲。鹿門秋水泛

仙槎。一結悠哉

讌集家叔帶三齋中

五柳高風落葉齊。門前睥睨暮雲低。繞庭芳草

雖朱鳳。滿座玄談話碧鷄。酒貫十千樽易盡。詩

歌百一醉難題。霜花撩亂人初散。修竹溪邊月

已西。

贈鄧元昭太史

北面康成日。扶風世誼重。門牆欣有託。模楷得

遭逢。國幹推劉向。公才貴蔡邕。摘詞通帷幄。佩

玉聽琤瑤。矯矯九臯鶴。峩峩千丈松。直廬崇雅

望。仙掖寄高蹤。實沛菁莪化。旋收方岳庸。青山

歸謝眺。白袷動周顒。江左翔儀鳳。淮南隱臥龍。

真貪綠野適。不羨紫泥封。夜月臺城麗。幽花虎

阜穠趨陪曾忝竊。杖履莫辭從。流水依滄海。高山仰岱宗。八座資翊贊。萬象待陶鎔。指日安車下。勲名列鼎鐘。  
端重不浮排律能手

朱軒韶九雪田華亭人

秋思曲

秋生髮自短。秋別人初遠。芙蓉岸邊江。始波鴻鴈樓頭日。欲晚樓頭八月桂樹香。秋風淒淒拂簟涼。銀河迢迢清且淺。燈闌蟋蟀鳴西堂。鳴西堂。耿不寐。當窗理瑤琴。知音更萬里。碧梧枝落淚滿衣。江波如練秋如水。  
多搖曳之致

坐吳六益池亭

為問楊雄字。因看杜曲花。閉門春水入。散帙夕陽斜。飛雀銜青實。垂藤蔭白沙。此中堪共隱。縱酒是生涯。  
字佳見自朕之妙

無題

歌罷淚雙垂。香消翡翠帷。雕闌梅自綻。朱戶雀頻窺。翻悔新相識。難當生別離。他時凝望處。空復弄參差。  
五六情深

九日飲東臯草堂

積雨至今日。豁然雲霧開。緣溪一進艇。何處好  
登臺。地僻樽仍在。花明鳥自來。相逢半知己。不  
惜暮徘徊。

秋柳

白苧秋高玉露懸。依依弱柳變晴川。枝垂古岸  
猶堪折。葉炤澄潭尚可憐。黃鳥已辭春色去。玄  
蟬空唱夕陽邊。遊人共道楓林好。忘却曾攀二

月天。

是韶九一幅秋柳圖我欲維舟一繫其  
下徘徊十日

懷陳黃門階六

十月登樓樹色蒼。披襟把酒隔河梁。文章自昔  
推枚叔。肝膽于今屬鄭莊。谷口霜清人北望。淮  
陰木落鴈南翔。何時旌節來三徑。重使金樽倒  
夕陽。

結見交情

夏日同褚齊容過飲吳苧菴齋

到此蕭然襟抱開。夏雲新遶舊池臺。高吟但見  
羣鷗至。三徑惟容二仲來。水際幽花垂紫萼。竹  
間斜日照青苔。山人婚嫁今粗畢。數擬相逢醉

不回。沈濤思離垢園分韻。數里琅玕覆石苔。清泉曲曲抱層臺。恨無小艇。

沈濤思離垢園分韻

移尊入。賸有名花照眼開。望裏岩阿藏窈窕。行來山徑足徘徊。主人不惜登臨費。十日狂歌未擬回。

送友人移家包山

乍向淞塘卜隱居。秋風何事又驅車。張華不必移青帙。林屋曾聞有異書。

萬松深處隱丹丘。面面芙蓉水上浮。莫向洞門

鳴玉磬。紫霞驚落太湖秋。

響遏行雲

躡屐探幽任往還。白雲紅樹遍西山。定知處處行遊好。客過偏尋消夏灣。

朱雪田招飲北窗得觀其先世綸誥皆思

白董先生墨蹟

魏憲

兩度相招臥醉鄉。不辭路遠遽登牀。琴書佐酒花添韻。山水留賓夜更長。先代典謨餘涕淚。容臺翰墨自生香。縱觀莫厭張燈處。四壁

流輝照雪霜

杜濬

于皇

茶村黃岡人所著有變雅堂集

春日雨中讀班史有述

春雨積行潦。出門防馬蹄。無食且堅坐。史冊惟

所稽。胡建斬御史。不直縛一雞。其謀做冒頓。順

逆用不齊。捐之出讜言。萬里息鼓聲。云胡頌石

顯。末路逢鬼迷。王孫秉確識。羸葬本不奇。龔俗

錮羣愚。反謂賢達癡。卓哉梅子真。天骨兀嶽崎。

胸藏傲儻畫。上書陳憂危。王莽一枋政。妻子棄

若遺。九江與吳門。山巔復水涯。神仙不可學。忠

憤忽得之。不然歆與豐。雖壽不如龜。斯人信貞

吉。去就無不宜。掩卷再三歎。千載公吾師。快心

有如此。何必聽黃鸝。

石頭城西修竹菴看牡丹和魏惟度韻

羣綠交清陰。下為流水源。危梁架一板。免通車

馬繁。名花處其下。奇麗不可言。時俗絕真賞。花

自銷花魂。豈有興慶池。而笑結孤園。清平調無

幾識者。寧輕論。

起處使人神往花自消魂妙不可言

已酉仲夏天章忽自淮陰遠訪薙髮而僧  
喜餘有感成詩

怪有高僧訪。登堂是故人。三年添夢幻。一笑釋  
冤親。命薄翻聞道。情多轉離塵。先公方屬望。出  
世且逡巡。  
起句真朴有趣

清和八日立夏同惟度南郊看芍藥即事  
出郭飛揚意。登樓悵望人。伊其為暮雨。我自惜  
歸春。時序原逢舊。豪華頗笑新。遙憐惠安圃。今  
日幾蹄輪。  
惠安伯園內芍藥萬木

送魏惟度偕吳星若西湖結夏  
清和將盡月。簡易束遊裝。風在湖心寺。知君此  
去涼。眼中西子秀。夢裏武夷蒼。况復攜詩友。幽  
吟日幾章。  
體裁正定自是老筆

宋慶遠

南陔云間人所著有葯園草

登燕子磯

巘岿復突兀。臨江迥千尺。天命此玄鳥。飛飛如  
矯翮。孤亭出其巔。浩淼烟波白。吳楚通上游。南  
北終為劃。魏帝觀兵去。天塹曾不易。王濬桴鼓

來所向無扞格。堅者忽已瑕。俯仰多陳跡。試望  
建業城。參差在几席。六朝幾變遷。咄嗟此拳石。  
不入齊梁宮。不棲王謝宅。不築銜泥壘。不作寒  
暄客。遊子悲往來。濤聲自潮汐。

末段發揮燕子得體從來作者俱屬登臨感慨  
套詞對此汗下

### 題魏惟度枕江堂

閩山有高人。嶽嶽文章伯。經始成新構。滉漾江  
痕碧。帆影入空濛。烟光散几席。島嶼互沉浮。陰  
陽變曉夕。暇日恣討論。酒人并劍客。鄴架富圖  
書。閒窗理琴奕。穆然清風流。皎如秋川白。嘯咏  
師古人。高歌出金石。炊梁夢已醒。曲肱良自適。  
澄漪滌塵土。驚濤蕩神魄。藻思風雨飛。奇文天  
地坼。欲窺枕中秘。波瀾杳無跡。直溯岷山源。造  
化同開闢。潘江與陸海。千古應辟易。

### 竹徑

何處能忘暑。琅玕萬壑深。子猷閒倚笑。中散坐  
鳴琴。月落千尋影。坡詩世間亦有千尋雲窩一  
竹月落空庭影許長片陰。此君堪療俗。消夏本無心。

句句是竹徑  
妙妙



觀音石

大士分身現。天然紫石瑛。圓光常若變。寶相暗還明。龍女描難就。鸚哥畫不成。米顛應下拜。從此悟無生。

盡題取肖詠物神品

秋日寒齋小集次魏惟度韻

殘菊留餘妬。欣欣待客過。壯心銷歲月。晚景綸烟波。好古追王屋。飛觴繼永和。暫來蓬戶裡。其奈予情多。

過朱棲陽溪二灘

西去衝波激。長年力已疲。淺灘嘗在望。短棹未曾移。流駛聲加壯。峰迴勢轉奇。斜暉相映徹。石子更離離。

送魏惟度歸武彞

只有故山青。依稀繞畫屏。荔枝紅日釀。榕樹綠雲冥。長鋏趨仙館。扁舟到幔亭。獨憐吳下士。寥落阻晨星。

途中聞七夕

孤舟南下路迢迢。瓜果依然破寂寥。天漢虛機

猶夙昔人心倍巧自今朝經旬再見逢牛女期  
月重看駕鵲橋莫道銀河仍易度閨餘恩澤下  
丹霄俱于虛字處出閨字絕有斟酌

姑蘇懷古

寥落吳江染碧苔城頭高聳舊胥臺宮人昔如  
鴛鴦枕過客今浮鸚鵡盃廊下空傳珠屐響江  
邊不見錦帆開霸圖惟剩寒鴉隊谷暗猶疑萬  
乘來

渡錢塘江

草橋門外渡舟航日夜濤聲撼大荒一望迷漫  
連海市數峰迢迢映湖光錢王金鼓飛強弩伍  
相風雷拂劒鋌點點征帆烟霧裏却疑鷗鷺自  
飛翔字字是渡錢塘大見作手

句曲道中雨雪

六出紛紛飛點客裝漫驅欵段度前岡梅花帶月  
堪同伴柳絮隨風未肯降凍玉已穿東郭履銷  
金誰進黨姬觴通明舊有修真地白鶴凌虛萬  
里翔三四詠雪結出句曲得體

咏水仙花

由來仙骨本輕盈。十月凌霜已吐英。影動菖波疑出水。操傳蓬島更移情。一簾晴色嬌姿起。幾度香風午夢清。解佩江臯羞粉黛。蛾眉淡掃自傾城。  
可與鍾退谷作爭席

送魏惟度讀書西湖兼訪其舅氏

別業西湖好卜居。送君此去意何如。遍交海內知名士。還讀人間未見書。鳥語驚回孤客夢。花香吹醒宿醒餘。渭陽况切蒹葭慕。宅相于今有

魏舒

盛唐衣鉢

大叅陳綠厓。重複白下先賢祠。托枕江主人。董其事。

鍾山祠宇變滄桑。仗鉞褰帷整舊章。六代風流人共仰。百年籩豆此重光。時微曲逆功誰建。世有無知美益彰。聞說枕江同洗耳。名賢今古並垂芳。

沈際淳

采臣

居巢人

寒食郊遊卽事

卷之七

枕江堂

溪上春方麗。同官載酒遲。草驚新雨後。花愛夕陽時。麥隴鶯平舞。城隅笛亂吹。採芳依野岸。風柳拂疎眉。

伯兄虞臣過吳陵署中夜集限韻

相逢千里外。况復歲殘時。婚嫁關心早。庭闈聚首遲。深盃驚曉角。斜月步前墀。纔得連宵話。孤鴻又別離。  
三四道情真切

別鍾黃初先生

問字曾經啓絳帷。一年宇下蔭棠枝。先生不異

陶元亮。老父殊慚周續之。澤國芙蓉方結佩。東門祖帳忽歌驪。暫從栗里尋松菊。早晚循良聖主知。

花朝雨霽海陵社集

花下神仙按五絃。朝開東閣接羣賢。雨餘山黛淨如洗。霽後杏花紅欲然。海谷啼鶯風嫋嫋。陵園乳鹿草芊芊。社成不讓永和會。集序應推內史先。

金潛五自白下來云居巢沈子采臣為當時名彥伯兄虞臣季弟次長皆齊譽一時惜采

臣次長皆相繼早歿不能多得全稿為憾爾  
沈際盛 虞臣 居巢人

虎丘偶吟

海峰一片石。烟樹曉蒼蒼。檻疊沿溪曲。樓危帶  
嶺長。鐸鈴天自籟。裙舄草生香。涼月笙簫夜。前  
堤畫櫓忙。

晚泊大勝關和金潛五韻

漠漠野雲合。迷離望石頭。滄江蘆岸雨。故國水  
天秋。氣肅金鳴野。聲寒鴈渡舟。鬢霜緣客路。漫

說壯年遊

字推句鍊疑有鬼斧神工

沈際亨

次長 居巢人

寒食郊遊卽事

江城逢令節。勝事共棲遲。東堰行春處。南樓貫  
酒時。燕羣空幕出。花片上衣吹。醉後憑高望。山  
山列畫眉。

秦松齡

留仙 無錫人

曠望

屢從偏仄行。忽得曠然致。推蓬一舒望。心目兩

俱棄綠樹亂若薺清流細如織沙淺遊魚稀灘  
平文石積落日明前川殘烟渺焉寄神移象欲  
冥復見一山翠矯首屬歸雲寄我澹澹意

若薺如織寫曠望絕妙

亦仙買畫眉畜舟中索詠

春山藏不穩迢遞伴余行側目似微憾依人復  
有情得名因冶飾制勝在先聲辛苦張京兆朝

朝畫却成

備盡畫眉能事

雨

雨氣望不歇他鄉復可憐片帆江上鳥青箬渡  
頭烟獨樹行簾外千山合眼前沉沉溪水暗愁  
絕麥花天

晴

雨色斷江干風清曉尚寒人家生橘柚天意靜  
波瀾捲幔看溪鳥濡裳采澤蘭何當別輕棹煖  
日上征鞍

登燕子磯

自昔稱奇險殘陽試一登江聲趨鐵甕山勢束

金陵去住隨明月。與亡問老僧。空亭憑絕巘。吟  
眺我猶能。

過采石牛渚諸山

諸峰遙對晚嶙峋。先輩詞章故輦塵。乘月欲尋  
宮錦客。然犀愁見絳衣人。潭雲樹影空江夕。檣  
燕山花去日春。家在五湖烟水裏。扁舟將下復  
逡巡。  
美秀之妾與江山相映發

吳興祚 伯成 清河人

客燈

天涯無定處。旅況與人同。明滅郵亭外。依稀古  
道中。影搖千里夢。花綻五更風。遊子登途去。回  
眸一線紅。  
詠物詩只是移不動便佳

書燈

無分風雨夜。照盡古人編。藜火時相助。螢囊亦  
可蠲。忽移芸閣畔。長待曉窗前。莫道爾辛苦。應  
知鐵硯穿。  
起處便擒題是老手

閨燈

繡戶銀缸內。微茫吐赤霞。秋深照帷薄。夜雨傷

窗紗。花落剪聲細。烟飛衾影斜。佳人相對處。遮  
莫聽歸鴉。

花燈

持向名園去。黃昏過粉牆。如螢穿繡谷。似月耀  
霞裳。綺夢驚春焰。香魂醒夜粧。華清應有宴。燦  
爛管絃傍。  
四六確是花燈移贈美人不禁魂  
消

雪燈

四顧無顏色。惟餘一點紅。熱心浮玉宇。冷焰向  
瑤空。曾照袁安宅。今輝雲母宮。寒鷄催漏盡。搖

曳北風中

登龍山作

雨後登臨蠟屐雙。龍山幽勝可徜徉。一樓月色  
迎詩客。十里泉聲送海航。林鎖烟光千萬疊。谿  
藏花氣兩三行。昔賢高躅留碑碣。媿我無能姓  
氏將。

慧山六景詩

選二

長廊

古刹蕭然秋氣橫。虛廊寂靜片烟輕。月斜犬臥



言持三集  
朱欄影雨後。人歸蠟展聲。敗葉觸簷雙燕下。飛  
螢點壁一燈明。山僧只在雲堂上。任爾閒遊不  
送迎。  
三四句幽靜可思

### 重臺

攜將清興陟重臺。白社何緣共舉盃。殿角微風  
驅暑去。峰頭斜日剖雲來。數株寶樹迎人嘯。幾  
片曇花向佛開。倚遍石欄尋妙句。鐘聲已過碧  
山隈。

盧

紘

元度

楚蘄人所著有四照堂詩集

### 度關山

迢遞關山路。寒霜隱白沙。弓彎天外月。梅落笛  
中花。疲馬長嘶夜。征人屢夢家。回頭看北斗。已  
覺向南斜。  
整練閒適

### 風入松歌

空山聲震如濤狂。老松似龍鱗甲張。幽人坐臥  
石間聽。塵懷洗盡。生清涼。時援素琴。發幽響。超  
然疑出雲霄上。總是塵勞癡夢人。陡聞應作林  
泉想。  
宵賦以深

烏夜啼

禁林蒼蒼夜啼鳴。天恩許貸兼分符。漏下誰傳  
 此消息。隔窗有女聞聲呼。開戶尋之人不見。春  
 風吹作花千片。常留此曲寄相思。每聽烏啼淚  
 如霰。情。况。無。盡。

春日行

日回南陸春融融。春光正許人相同。誰信窮巖  
 日不到。疑此不在陽春中。我讀古來春怨詩。不  
 在窮巖在深宮。君王可望不得近。正如皎日懸

虛空。

可空從古宮詞

隴上歌

將軍戰却神猶壯。英風至今留隴上。左持鋼刀  
 輪雪花。右執蛇矛長。二丈馬上如飛。怒氣騰雙  
 睛。掣電光流蕩。縱使肝腦塗荒原。傳與戎人膽。  
 欲。喪。

望遠曲

明知人不歸。日日樓頭望。人尚在天涯。只疑行  
 陌上。陌上紅塵逐日飛。何曾塵裏見人歸。經春

歷夏無消息。檢點秋風又寄衣。

謁楊忠烈祠

虞海歸然忠烈祠。門前恰對放生池。留將正氣還天地。尚有餘思繫歲時。變化風雷棲大澤。欷歔父老撫遺碑。楚人夙負多奇骨。追景高風信在茲。

賦得關塞秋聲

萬里寒沙入夜幽。西風肅肅動高秋。笳鳴遠戍霜侵野。鴈渡長空月滿樓。烽火連營防野牧。閨

人何處寄邊愁。頻年總斷還家夢。那怪從征易

白頭。淒壯之音

趙與楸

楚材

龍溪人所著有珠谷剩草

九日雜咏

高山可避厄。應不憚登臨。未必家園樂。遂令災氣侵。

寒食弔之推。端陽悲郢客。如何九九日。不祀陶

彭澤。不祀處愈見其高。

陶公不折腰。偃蹇寒菊盈。把若種河陽。花應亦自

瀟灑。足見東籬人高致。

年來重九日。強半在他鄉。更憶明年會。遙知又一方。

湧溪舟次

解纜方微雨。前山翠欲流。軋鴉聲帶溼。罨畫色非秋。兩岸輕烟外。孤舟古渡頭。沙鷗無限興。應傍野雲收。  
清雋之氣襲人眉目

七夕

鄉思深月夕。旅病嘆河梁。乞巧難醫拙。藏鍼不  
砭狂。星橋遲駿輓。漢曲阻鴻檣。北渚雲乖處。迢迢不可望。  
三四用事處得出新之妙

入龍潭

清溪迴蕩漾。疊嶂列嵯峨。斷石穿雲墜。飛泉拂面過。曲蹊通浦漵。茆屋隔風波。颯沓汀沙外。舟人放榜過。

詠琴魚

上巳日溪產小魚相傳是琴仙藥渣所化

藥化丹成日。魚留襖濯時。盤餐且未免。鉛汞亦何為。暫爾濠梁樂。猶賒碣石期。若逢拔宅者。雞

犬總相持

三四破盡俗見使琴高不敢騎人

雪霽同陳子起湖上得人字

共說西湖桃柳春。笙歌士女踏芳塵。我來雨雪  
新晴節。客有烟霞不戀人。葛嶺丹成渾是汞。孤  
山梅落盡為茵。斷橋橋上未殘日。更向堤頭一  
問津。

顧開雍

偉南

雲間人

瀟湘夜雨

秋夜難為客。千山雨到床。暗鳴楓落澗。溼徧柳

侵塘帶鶴聲。猶舊支猿泪。更長湘絃何太急。蕭

瑟滿他鄉。

過揚州有感

平明北渡古邗溝。佳麗風烟擁上游。隋帝沙堤  
江外直。吳王獵鶴雨中收。當年組練分黃閣。何  
事戈船上戍樓。一自廣陵春散後。蕪城千載月  
如鉤。

卽事

大堤楊柳獨傷春。二月絲絲雨乍新。蕩子青樓

詩三集  
俱薄倖。烏棲明月。總南鄰。尊前弄玉非無姊。家  
世彈箏本姓秦。醉把醪醑人。不見星橋烽火在  
西津。

過白巖嶺

橫山東去水增波。楚客凌風奈晚何。古洞老猿  
啼不住。山多還更似愁多。  
踏徧寒山落葉聲。晚風猶帶女蘿情。長溪隔斷  
無人見。月隱金雞待二更。

黃虞稷

俞部

晉江人

東長林沈思鴻十洲昆季

新詩寄我九芙蓉。早識平輿有二龍。夜雪相思  
刻水棹。春風迢遞秣陵鐘。花開古寺鶯啼幌。夢  
到千峰月炤筇。聞道織簾常閉戶。吳差山下儼  
相從。  
翹楚之音如聞秋瑟

秋中過王汾仲江棲小閣

市喧中有讀書聲。河畔蝸廬得野情。賣字錢能  
留客醉。尋詩屐愛逐僧行。波明小艇魚初上。秋  
老蒼葭水漸平。已近重陽新酒熟。還期高閣看

霜晴。三四為汾仲寫照

京口

江潮日夜撼江城。北府年來未罷兵。萬歲樓空邊月迴。五洲山近陣雲生。吳兒學作健兒語。獵馬常嘶塞馬聲。投距日看山下士。何時休甲事躬耕。  
三四句秀逸未寓意其妙風人之旨

送贊王之恒山

征衫着就聽離歌。三月春殘花事過。暮雨瀟瀟人欲別。愁聞北去渡黃河。

顧采

天石無錫人

冬日金陵雜感

寒日孤城百樹凋。荒樓吹角暮雲遙。兩河風景啼秋鴈。六代園陵泣雨蕉。龍虎氣沉山寂寂。鼉鼉吟斷水寥寥。望江亭上多楊柳。一樹斜暉送落潮。

秦淮明月照河房。簫鼓樓船滿帝鄉。紫殿春風迷燕雀。玉池秋雨閉鴛鴦。詞人醉後千燈續。妙妓歌殘一院香。今夕管絃何處發。夜烏啼斷碧

城霜。閒情舊句使人心目俱爽。

惠山六景詩 選二

長廊

古刹臨高聳萬層。長廊夾道擁千燈。山多霧雨窗猶暗。壁畫龍蛇氣欲蒸。花落見飛金翅鳥。鐘殘時下夕陽僧。我來聽法忘遊展。次第紅欄試一凭。

重臺

石欄迴合樹柯交。新有重臺闢草茅。幾片疎雲

沉澗底。一聲清梵落花梢。階平客到松間坐。門閉僧來月下敲。正是上方初入定。愁猿啼鳥莫相嘲。

吳嘉紀 野人 海陵人

善哉行

華燈頰頰命管調絃。親交滿堂誰不豪賢。一解

名花易零良宵易晨。及時弗樂老來逼人。二解

夢騎虎身寤當麋額。麋額有角抵觸孤客。三解

寶刀在手疾視橫行。勲著人間退守躬耕。四解



涇水人涓濁。我清波。貧賤不廉。受辱良多。五解

善哉行之二

車輪薄薄。迅如日月。逢舊道傷。各驚華髮。一解

黃鵠自怨。騫舉高高。顧盼羅網。辛苦雲霄。二解

含意勿吐。竊愧稱夫。羣士仰訾。闕脣短軀。三解

夸父逐日。帝女填海。雖罕成功。志願恒在。四解

解憂深夜。惟絃與觴。醉彈一曲。星辰搖光。五解

糧船婦

秋風河上來。吹我饑饉夫。雖有如花婦。不及盤

內餽。日暮何喧喧。河灣泊糧船。船公坐上頭。盼

睐見紅顏。遣人通殷勤。吾家衣食足。若輩愁餓

死。試來同力作。力作到一年。償錢令汝歸。力作

到三年。無錢令汝歸。阿夫呼婦語。與卿勉相從。

不從便餓死。爾我長西東。匍匐起偕婦。婦泪落

如雨。昨日閨中人。今日舟中婢。儔侶聞漆丁。餽

酒遺捷蹄。河南艤船來。河北艤船來。船公中心

喜。舉手數斟酌。自謂佳麗質。已是虞羅雀。羅雀

則有雄。匹婦則有夫。誰知匹婦志。千折不可移。

阿婦泣。且持依人。且低眉力作。到三年無錢。共  
汝歸阿婦。嘿無聲。人眠窗。月落急。遽離船。公慷  
慨。尋鬼伯。抱石投邦溝。波濤為不流行。人揮涕。  
看尸橫溝水頭。  
得樂府衣鉢

曹爾垓

十經

雲間人所著有石竹山房稿

已酉九日墨林小集

杖策將登高。高岡隔烟霧。風急塞鴈哀。驟雨當  
窗度。邀賓水上亭。披襟揆毫素。圖成山吐雲。繪  
出花垂露。良辰足歡娛。肯為窮愁誤。作賦臨清  
流。銜盃對高樹。紅葉影蒼茫。黃菊悲遲暮。捲簾  
夜色昏。水田下白鷺。未盡茱萸觴。客迷東郭路。  
舟子遙相招。濯錦江頭渡。

許墅關曉行

吳關迷曙色。已掛一帆風。澹月臨青靄。平波映  
碧空。雞鳴茅屋裏。人語畫船中。極目長天際。朝  
雲繞樹紅。  
盡曉行佳景

無題

春風吹柳拂欄干。杏子衫輕透薄寒。愁絕菱花

能照徹。憂深萱草欲忘難。何時鼓瑟來雙鳳。盡日飛蓬去九鸞。惟悴畫屏初睡起。有誰錯認海棠看。

黃鳥

睨。晚。枝。頭。鳥。常。教。蝶。夢。醒。畫。樓。人。已。遠。莫。向。綠。窗。聽。淡。遠。有。致。

綠樹陰濃處。金衣耀舞臺。不知世路險。挾彈却飛來。

汪洪度

于鼎

黃蘿歛縣人所著有春草圖詩

偶述

昭君天下艷。守身亦貞固。衆人競容媚。真色恥行賂。坐失畫工意。不得君王顧。灼灼桃李姿。忍令歲月暮。自請出邊關。馬上新粧去。

登清涼臺同吳野人賦

極目向何處。狂歌登此臺。秋聲隨葉下。山色隔江來。宮闕餘殘照。園陵在草萊。年年懷古意。今日倍生哀。確是登清涼臺詩

沈楫

弘濟

雲間人

羈旅行

馬疲不及前村宿。停鞭解鞍惟破屋。月光射戶  
霜滿場。朔風獵獵吹枯木。年荒吏猛無宿儲。客  
無酒漿馬無菽。頻呼麥飯不能飽。天寒夜長難  
瞑目。我命逢此分所應。傷哉可憐累及僕。主人  
睡足輒復起。爨無餘薪掬寒水。匆匆上馬出門  
去。明日行踪更何處。  
真朴可入樂府

余懷 澹心 莆田人所著有研山集

茗溪四時豔歌

蘭茗發春香。噴玉風篁拔地敲。新竹雪水分流  
合。四溪淺草茸茸遍。山谷文舫擁酒看。桃花綠  
葉青青是妾家。屋裏鏡奩藏小鳳。門前楊柳散  
啼鴉。  
古致續紛

錦旗霧暖遮團扇。膩蕊蟠花覆冰簟。燕語雕梁  
剪綠雲。鶯啼別院搖紅線。鱧如車輪笋如斗。夾  
山錢山浪西吼。柳惺迢迢杜牧狂。項王馬捋飛  
劍光。

我有玲瓏秋玉珮。贈君篋中三尺水。桂華爛熳



渡曹娥江宿迴龍菴

雲濤秋漲湧山根。牛背衝寒古寺門。烏櫓丹楓臨水岸。白沙翠竹遶江村。禪關暮掩霜生榻。茅舍秋清菊滿軒。坐待老僧煨芋熟。夜深無語聽啼猿。

江月江花絕可憐。登樓一望豁江天。乘潮適去三千里。作客重來二十年。黃絹有碑傳孝女。丹砂何處覓神仙。不防山鬼吹燈滅。曉霧沾衣又擢船。

王余高

自牧 蕭山人

九月一日行田

見說東谿樂。秋風引興賒。帆低拂道葉。舟仄礙藤花。白日逢邨靜。青天入鴈斜。門前高柳樹。望裡近陶家。  
字字推敲晚唐佳什

登金山

絕壁吞江截上游。孤根不與衆峰儔。波沉吳楚鴻濛合。寺抱龜鼉日夜浮。樹影中分楊子渡。濤聲遙送廣陵秋。玲瓏亭閣凌霄漢。直是蓬萊結

層樓。

顧有孝

茂倫 吳江人

沈留侯偕小阮雲襄北上賦此奉寄并贈

申維久諸子

春風楊柳拂行舟。有美聯翩共遠遊。入雒陸機  
新作賦。依劉王粲。故多愁。舊京珠履三千士。荒  
塚冬青一十秋。湖上青山無恙在。獨持卮酒對  
羣鷗。

感慨不露句亦琢鍊

元宵前二日學易道人偕朱朗詣許箕屋

諸子枉過村居有懷張王二友

一燈相對嘆淪胥。何處深山可荷鋤。此夜清樽  
聊共醉。他鄉吾友自驅車。腰懸白水還嫺禮。足  
跨青驪更讀書。十載經營憂不細。功成指日慰  
樵漁。

在北地信陽間

送山陰祁奕喜遊雲間因寄王玠右名世

昆仲

羣峰羅列鬱崔嵬。中有高人隱草萊。才子相思  
對明月。春潮迎客駕輕雷。舟同白鳥披烟入。門

擁寒雲抱雪開。為報野人機事盡。耦耕與爾永忘猜。  
得中唐妙景恨不及多讀

左士望

稚姜 涇縣人所著有龍門集

寒夜步梅下

寒光侵竹閣。起步澹凝思。忽覺微香度。旋看瘦影支。疎林當霽雪。明月在清池。此際幽懷愜。高吟和靖詩。

池河道中晚賦

青山吞白曜。巨浪飲長虹。影轉林分綠。光迴水映紅。孤雲隨倦鳥。新月掛寒松。衆籟時將寂。行人驛路中。

幙山大觀亭次魏惟度韻

絕巘疑天際。登臨縱大觀。磴窮空疊壘。巔踞小層岈。流月鐘聲渺。籠雲塔影寒。先公勛勒鼎。憑弔思無端。

大安寺同施尚白作

髮僧長作客。伴客亦依僧。坐惜三春去。挑殘幾夜燈。鐘聲流月冷。山黛罩雲層。咫尺凌崑路。還



期杖策登。

每多深厚處

過萬道吉平園別業次韻

霜華披拂度寒岑。松竹森森蔣逕深。香擁圖書紛繞屋。雲浮花圃簇成林。劉陶逸韻遙相映。許竇仙踪近可尋。舊約已拚十日飲。重來還與續幽吟。  
三四寫景不俗

白鴈

嘹唳驚寒碧落聞。南來冰翮自為羣。洞庭月宿全迷影。日觀朝飛半帶雲。沙塞天邊霜皎皎。蘆

花江上雪紛紛。烟霄不用防增繳。高潔何曾染世氛。

咏物化工

趙驥

冀野

旌德人所著有東臯集

憶壬午秋成奉老母命入龍山有感

歲歲典新衣。是秋賣新穀。老天錫豐年。貧儒恒不足。奴僕相向歎。妻孥眉蹙蹙。吾母真聖賢。含笑飲薄粥。謂吾家尚然。鄰婦昨夜哭。分米賑其家。僕事忍使獨茶蓼。此鄉多貧賤。老人容易足。我只

見此鄉天下同一國子去理殘編不許恒食粟  
余時佩訓言胸背如有鏃入山即鍵戶不復玩  
松菊中原方多故文士亦碌碌讀書求有用濟  
人酬鞠育年來事全乖書產遭百六十口無完  
謀一身嗟仰屋母志無一遂傷哉徒跼躅

謁方正學先生墓

雨花臺下土一杯慘淡寒鴉蹲古木掃苔俯首  
讀殘碑知為先生藏遺孺奇文潮海吾曾師小  
少韓子當年服遭逢百倍賈長沙朝無絳灌憑

削牘紛紛改制亦誠愚原采至言堪二復周禮  
一書何悞人荆公禍國君屠族只因認得一是  
真不欲蓬轉將心贖成王公旦今兩湮家事滄  
桑已反覆惟讓先生成大名節苦文山慘孤竹  
懷友人呂祖生

龍首連宵雨澤溪半嶺雲無書不共讀有酒必  
平分夜坐恒通曉晨譚每到曛傷今成永別宿  
草在其墳生歿交情歷歷紙上

冀野著述極富尤長于古文詞且以風節見  
重于一時其國器一士炬况輩皆翩翩秀出

言抄三集  
能世其業。余謬引爲知己。惜道路悠長。未遑  
索其全集。與天下共之。曷勝惋歎。  
李可植 直木 江浦人

燕磯夜泊

舟行今已暮。停櫓陟崢嶸。鳥夢因風短。魚程爲  
浪更。衣單生露氣。沙闊走江聲。莫問今何日。開  
懷坐月明。  
字字刻畫

雨中飲溪閣

雲物雨來幻。能生小飲情。聊參魚鳥意。暫悅亂  
離生。估客同鄉笑。鄰姬隔幕箏。旅中心易感。悲  
喜不聞聲。  
有餘韻

酌雨

瀟瀟微雨落。把酒宿懷傾。大有登新史。曾孫樂  
晚成。點隨風柳亂。聲逐野萍輕。對此生幽意。西  
疇願早耕。  
昨夜月離畢。朝來雨意盈。山光歸淡漠。溪響觸  
琮瑤。鴈濕羣先後。花霑色重輕。新涼堪引酌。尤  
喜未經塵。

隨岳父阿漚先生暨家大人登尺五天

露漸林木暑初收。次第追隨到石樓。江上數峰青。過雨山中七月氣。全秋雲低樹杪巢。禽夢燕亂江清。舞翼流攜句呼天當在此。安能十日共夷猶。

吳全融

雪園一茸城人所著有藜照堂詩集

遊靈巖

古刹當危嶺。崢嶸不可登。湖光連月白。澗水出江澄。磬自空林落。烟從鳥道凝。捫蘿尋絕巘。作賦媿無能。

觀音山

春林忽曉霽。寂寂聽黃鸝。柳絮飛亭畔。桃花亂水谿。軒開丹嶂迴。琴度白雲低。更擬尋幽勝。斜陽竹徑迷。

六句欲仙

花魂

雨滴珠簾香水溪。絲絲點點夕陽西。風飄葉底銜青鳥。片落枝頭艷錦鷄。烟鎖春深魂欲斷。波分秋色晚來齊。畫樓攀折知多少。船渡桃源杜宇啼。

言詩三集  
中秋夜泊

看山面面夕陽西。洗盡風烟覓舊題。湖畔綠楊行處。小城頭。烏鵲落還低。愁聽橫笛三更永。斜掛危檣萬頃齊。滿地吳歌驚客夢。漸看月落度鳴鷄。

及丹生

山夫

嘉善人

寄田髯淵兼問顧偉南

田顧同選高言集西北諸公詩

君到燕臺買駿還。洗空凡馬畫天閑。論交不見朱公叔。作賦長懷庾子山。河朔雄剛歸地脈。中原風雅贈刀環。相思莫道音書隔。應許瓊枝共攀。

集沈彥徹齋中同魏惟度吳星若金潛五

五茸西郭共招尋。把酒高齋似竹林。此地詩篇推七子。百年遊展有同心。寒烟壓市連江遠。細雨迎潮入暮深。獨向鄉關一回首。不知霜鬢爲愁侵。

王楨

微士

華亭人所著有娛秋館詩

曉行

卷之七

枕江堂

坂仄渾忘險。驅車野水侵。白沙狐跡暗。黃葉馬蹄深。纖月穿林影。微霜點客襟。棄繻年少事。不費長吟。

入春有懷奈山家園

樓引峰嵐秀。磯分礫瀑流。憑高時坐嘯。小飲為同儔。燕掠芹泥過。魚吹荇浪浮。塵纓真可濯。卽此傲滄洲。

林泉殊自僻。猿鶴任相攜。琴案春雲薄。松窗夜月低。焚香堪獨寤。高枕合幽棲。何意成遙別。花源路欲迷。

虞山舟次

大野湖光合。千尋翠嶂開。名園連竹樹。古塔隱樓臺。烟草平沙闊。風檣落日迴。吳風如可戀。定擬抱琴來。

宮鶯

上苑清陰去復還。鳳樓曉色動綿蠻。如簧似續簫韶曲。刷羽難隨鷓鴣班。太液簾垂新雨後。華清歌送落花間。承恩常得君王顧。羨爾金衣不

言持三集  
可攀。視唐人應制諸詩尤為深厚

送顓士兄南還

凌雲詞賦滯相如。出郭猶乘下澤車。路繞烟霜鄉夢遠。影違鴻鴈客吟疎。望中山靄搖金劔。到日蘭香動玉除。寄語西莊歸興迫。小溪花徑好教鋤。

長安元日

雲物新年媚曉晴。朱霞天半惠風生。宮花欲傷青幡動。綵燕先從御闕迎。應律昇平調玉琯。乘

時恩澤望金莖。韶光咫尺通宸極。詞賦何由薦

馬卿。唐人應制之詩

秋夜合肥龔大宗伯招集

銀燭高烧琪樹涼。招賓東閣綺筵張。春曹藻鏡來多士。國寶儀型見舊章。人近青黎書五色。文窺丹檢玉千行。龍門北斗原相並。湛露深情未敢忘。

廣陵

蕪城烟月未全消。歌舞猶留第幾橋。溝上錦帆

詩持三集  
卷之七  
終古恨。觀中瓊蕊昔年嬌。青樓鸚鵡翻雕珮羽。  
帳。茱萸煖。玉簫嘆息司勳風調遠。彩箋無計汎  
春潮。  
五六健而秀

水簾洞

素練垂蒼壁。銀虹下紫烟。憑誰攜綠綺。一曲寫  
流泉。  
如聽其音

御帳坪

翠華曾此駐。往蹟紀登封。空見流雲白。常棲輦  
道松。

大夫松

鐵榦凌懸崖。烟雲亦不屑。何哉祖龍封。至今辱  
高節。  
使大夫生色

遊惠山

一徑濤聲嚮碧松。春申礪底白雲封。我來愛向  
巖亭坐。聽徹溪南寺裏鐘。

疊嶂蒼槐生午煙。停橈谷口興悠然。經年那得  
塵襟滌。儘憇山中第二泉。

汪文楨

周士則嘉興人所著有聽松堂草



五渡泖湖懷陳眉公先生  
 渡口片雲見。九峰青若螺。春歸花事少。日落鴈聲多。矮屋藏幽竹。長橋臥碧波。先賢祠宇在。信宿幾時過。

晚遊葉氏園

何處幽尋好。閒園向水涯。芬芳推筍里。窅僻比山家。人影驚孤鶴。波光動晚霞。莫言蕭索盡。春色到梅花。  
結有幽興

同徐松之顏羽王晚步雷音寺

神霄尋古跡。携手步漁磯。地淨幽人往。林深宿鳥歸。雷音原寂寂。花雨更霏霏。僧舍誰更始。當年盡羽衣。

奉和松之宿青龍菴詩并示西印純一二

上人

風塵盡日掩禪關。獨有龐公共往還。鐘歇空庭人定後。白雲明月似溪山。  
寫景清峭

高人蹤跡半招提。冬日初晴好鳥啼。無事杖藜山色遠。鶴沙坡畔石橋西。

雪夜泊舟檀香菴小飲贈湘雲校書

嫋嫋東風楊柳枝。良宵燭滅醉何辭。梅花尚未  
會粧額。留與情人一畫眉。

一溪飛雪玉玲瓏。醉倚銀缸畫舫中。邂逅素娥  
何綽約。此身如入廣寒宮。

岑巘

青岳

餘姚人所著有秋崖集

遊春

數里烟霞地。春風拂面生。石邊流水漫。檻外曉  
雲橫。醉泛花陰棹。閒聽柳岍鶯。九峰歸路晚。吹

徹洞簫聲。

集紅樹軒分得留字

微風一小樓。江冷暮帆收。共對閑雲影。能忘羈  
客愁。亂蟬鳴樹急。殘月為花留。極目孤峰遠。漁  
歌起白鷗。  
六句說得月甚有情

初冬偕諸同人攜樽西郊訪菊分得岑字

看花郭外喜招尋。短褐高天霜氣侵。野菊尚留  
秋色在。嶺鴻頻度客思深。諸君湖海真同調。千  
里琴樽愜素心。薄暮歸途人散盡。相隨新月淡。

孤岑。

釋海遐

介旭 宜興人

秋山漫興

秋到天涯久。砧聲動客初。山空疎草木。江靜隱龍魚。黃葉自高下。白雲時卷舒。機閑人自臥。高枕一床書。

送友人之吳門

東風吹柳拭烟輕。折贈柔條空復情。一望吳山千萬疊。知君只在此中行。

黃錫衮

素公 閩縣人所著有野草集

秋風

淒淒同玉露。瑟瑟度金河。嘆世吹雲薄。因書送鴈過。催砧臨夜急。落葉入寒多。聲斷鄉關夢。長思漢武歌。

秋月

涼露侵階冷。清輝瀉影寒。出山光獨異。擬雪白。同看泛水金。波動懸空玉。鏡盤閨情和旅思。淒對夢初殘。

秋蟬

飲露甘天澤。高飛愛獨清。翼分中婦鬢。冠飾侍臣纓。誰識苦吟處。長懷寡和情。最憐遊子路。斷續夕陽聲。

確是秋蟬移不得

秋鴈

繫帛來邊使。乘梁作候臣。非辭沙磧冷。欲占海天春。陣掠蘆花月。行斜隴水津。高飛避矰繳。燕雀莫猜嗔。

先生秋詩十首率多寓言存其四以見平生

楓亭丹荔

荔枝十里擅全閩。色奪露標膩水濱。却似繁星扶赤日。不將輕騎逐紅塵。香含露串凌晨異。品到冰盤按譜真。未向此中嘗百顆。蘇公空作嶺南人。

穩貼中有精彩

鄧光汜 字開 晉江人

建溪初度有感

亂石翻江斷。江流石上傾。風濤無晝夜。雷雨自陰晴。踏水心偏壯。迴舟望始驚。老人何所事。初

言抄三集  
度此中行。

三四實景俗手寫不出  
匡廬東林寺

遠公禪誦處。立馬數聲鐘。池水蓮花淨。經臺薜荔重。谷喧山宿鳥。溪靜月移峰。獨與香爐對。停杯看古松。

九疑山謁虞帝陵廟

帝廟空山裡。千秋對九峯。晴雲開錦繡。初日吐芙蓉。石響瀟湘水。風來韶濩鐘。鼎湖龍去後。何處覓仙蹤。

邀副戎王新伯遊金山寺步韻

浩縵中流勢欲奔。憑欄有客共開尊。波光直與瀟湘接。海氣遙將雲夢吞。一柱擎天金作砥。孤峰破浪玉成痕。醉餘攜手忘歸路。野渡橫江月在門。

讀魏惟度詩持名選賦贈

神交久矣會多艱。衝雪乘舟到泖灣。百代文章高兩漢。千秋詩史重三山。心關風雅偏搜秘。跡寄江湖豈浪閒。愧我無才繩祖武。欣持先集向

君刪。

和宋尚木韻

三徑就荒半掩扉。花開花落任芳菲。扶筇獨向

溪橋上。閒數秋鴻箇箇飛。

先生以總戎談風雅年八十不衰予表陳昌箕贈詩有下馬久無新露布臥龍原有舊風流之句可為實錄

李

煒

赤茂

嘉善人

白紵舞歌

璇宮夜靜月舒光。美人如花嬌北堂。蘭缸沉沉

漏未央。飄如白雲來無方。宛若飛鶴雙迴翔。停

眸善睐幽思長。將迎若遠意莫量。搖搖淑桂飛

仙裳。風迴雪轉凝青香。荅梓應節度笙簧宛轉

梁塵客斷腸。持情向君君莫忘。千金顧笑爭年

芳。以丰姿勝

雜典

我愛漢陰叟。棄機灌園蔬。我愛河上公。緯蕭鍛

明珠。優悠可卒歲。取足不求餘。圍圍泰山雲。觸

石合卷舒。猗猗蘭蕙花。因時成榮枯。養志百年

內身名同晏如。

幽居生鄙志。望遠發奇心。駕言我所思。東游奉

高城。遂登太山巔。懷古封禪君。草木藏靈源。風

雨秘華英。煌煌七十代。禮記有章程。自來三千

年。元會諒有徵。願效登封頌。流藻垂云亭。

有所思

賤妾依吳地。夫君滯楚湘。荆蠻雲樹隔。彭蠡雁  
鴻長。別怨生瑤瑟。相思滿玉牀。當年阿母畔。空  
學繡鴛鴦。結有趣

贈黃介石

多君然諾重。四海識高名。緩急看交誼。存亡見  
友情。關東推郭伯。市肆隱侯生。我亦棲棲者。新  
知意已傾。

送人還江右

落葉河梁急。暮笳清。尊明日。又天涯。十年卜  
叵。尋黃石。千載雲臺得。仲華淺瀨菰蒲呼。雁鷺大  
江風雨護龍蛇。離筵莫更增惆悵。湘澧夫君未  
有家。蒼健老手

有感

管鮑鍾牙自一時。浮雲蒼白未堪期。涉江采采秋風暮。縱有芙蓉欲寄誰。

林逢震

青涓晉江人

臘月解餉武林舟中遇雪

徵解屬勞吏。那堪值雪天。羽飛應計日。鴈盡不知年。帆掉因風迅。星河與樹連。師中歡宿餽。差可告無愆。

黃徹庵給諫迎母太夫人假歸適余至杭

招遊西湖遲鐵厓家兄不至

銜恩青瑣捧慈雲。湖上僊航四座芬。夙昔雞壇寧棄我。今朝馬首更逢君。多情細雨堤中見。無意疎霞嶺外分。試問袁安高臥者。何遲尊酒共論文。  
體裁不失尺寸

趙松翁遊大慈巖詩

懸崖峭壁古禪關。倚杖穿藤屐齒艱。石磴紆廻驚鳥道。峯巒窈窕美靈山。風吹萬壑天邊湧。烟散千巖洞裏還。莫怪高人偏住錫。却疑身在五



雲間。

黃容 叙九 吳江人所著有葆和堂集

雪夜

積雪空庭曉。蓬窓徹夜明。因風飄隙牖。伴月映  
殘更。漸覺添梅影。微聞入竹聲。朝來常不掃。茗  
椀待教烹。

贈閩中魏惟度先生

我慕魏夫子。鴻名四海聞。風騷原有主。品藻許  
誰羣。逸興凌丹壑。高歌入彩雲。石倉壇坫後。今

喜炙清芬。

歲暮東顧茂倫先生

牢落頻年逐釣竿。霜花忽報序將闌。官槐葉盡  
梅初蕊。塞鴈聲高雪未殘。夢繞垂虹猶問字。書  
來鶯脰勸加餐。何時一泛烏頭舫。紅蠟青樽話

歲寒。情緒縹緲。

乳峯庵曉起

窓白月光失。鐘殘初日明。半山流翠色。一鳥弄  
春聲。

訪吳聞璋不遇

古巷行來見隱居。松關半掩竹床虛。滿堂圖史。琴書靜立。遍梧桐日影疎。說不遇處幽淡絕倫。

詩持三集卷之七終

詩持三集目錄

卷之八

王日藻 印周 十七首

余國樞 雲樵 十九首

顏堯揆 孝叙 十六首

陳玉璣 賡明 十首

趙晟 朗雯 七首

黃元竣 辛子 十二首

汪鉉 爾調 二首

卷之八目錄

沈垣 衛人 一首

孫纘祖 霄客 二首

杜濼 子濼 三首

蘇鐸 道建 四首

孫沂如 阿滙 四首

陳瑤僊 扶蒼 一首

施瑄 佩宜 八首

趙灃 山子 六首

湯豹處 雨七 六首

丁胤煒 雁水 八首

潘居貞 天行 一首

余光炅 融若 三首

李如梓 孝叔 二首

俞南史 無殊 六首

顧萬祺 庶其 二首

房天駟 大生 四首

趙端 又呂 五首

顧湄 伊人 二首

李贊元

素園

八首

徐崧

案之

二十首

陳大成

集生

六首

徐永貞

孝先

二首

錢德震

武子

二首

劉球瑛

子玉

七首

陳文曾

昌奇

一首

阮旻錫

疇生

五首

盧元昌

文子

二首

丁胤燼

韜汝

五首

黃知白

原虛

二首

張邁

雪賓

四首

汪起龍

御公

一首

沈希孟

子遷

一首

詩持三集卷之八

目錄終

詩持三集卷之八目錄

黃映白

黃映白

二首

詩持三集

卷之八

閩中魏憲惟度許選

同里黃元坡辛子叅閱

王日藻

印周

雲間人

擬李太白宮詞

鷄唱僊雲動。鶯啼紫氣清。水絃繁趙瑟。玉柱促秦箏。金彈飛花落。星毬蹴履輕。羊車偏識路。望幸六宮情。

絳殿銀河渡。紗窓寶月圓。艷歌翻錦瑟。小醉落

言集三集  
金鈿花駐鮫絲帳。春生鳳腦烟。君王親製曲。不待李延年。  
燦如朝霞繁若花谷謫仙見之亦當避席

銅雀臺

西陵松柏路。石馬向高臺。獨夜悲風起。無人總帳開。金鈿垂蔓草。井幹拂荒苔。滾滾漳河水。潺湲去不回。  
淒風苦雨中讀之能使英雄淚滿

愛妾換馬

翠黛辭金屋。青驪控玉珂。踟躕向山路。蹀躞度關河。滅沒桃花影。飄零絳樹歌。君心在萬里。賤妾傷如何。

雄陽道

天闕日華通。晴烟繡陌中。銅駝春草碧。金谷妓樓紅。去挾看花彈。來驚歎玉驄。靈妃曾解佩。還過雒川東。

塞上曲

內殿傳烽急。三邊朔氣偏。銜恩辭玉闕。結陣向冰天。大將推驃騎。前軍獲左賢。寶刀霜雪滿。何日勒燕然。  
有古人遺意

九日同顧見山張謀遠張天士登報國寺

毘盧閣

歸歟恒在念。佳節倍堪愁。不上空王閣。誰知此日秋。塔破中天出。山廻北闕浮。遠公憑指點。極目是皇州。

握手難為別。逍遙紫陌塵。典逢秋思苦。情到異鄉親。繫馬穿幽徑。尋僧問法輪。斜暉將薄暮。過我醉芳樽。

丙申八月望早朝大和殿即事

長樂風微曉漏遲。侍臣珂影向彤墀。金盤露冷侵冠劍。玉佩秋高肅羽旗。日射螭頭新漢闕。雲開雉扇舊朝儀。羣公退食歸華省。為說承明謁帝時。

闐闐天開瑞靄通。千年王會帝圖雄。越裳遠識周官禮。宛馬朝嘶御仗風。香霧欲含仙桂動。瑤階猶帶露華融。百官傷日颺嵩祝。令節常看萬古同。

冠佩峩峩如讀唐人應制諸作

薊門雜咏

言持三集  
古刹喬松偃蓋青。坐來高閣畫亭亭。色空夜月。  
留清影。濤瀉秋風度寶鈴。龍臥自看金闕靜。鶴  
巢常見白雲停。當時花雨隨天女。想像瑤池駕  
翠駢。  
臘屐尋山返照重。岩巖晴望削芙蓉。天寒雲擁  
諸陵樹。寺迴風清萬壑鐘。曲澗東迴朝太液。層  
巒西向接秦封。披襟不盡懷今古。筇杖還攜到  
別峯。  
聲調駕王李之上

駕幸南海子

金輿儼下未央宮。詔幸長楊羽獵雄。自有玉鞭  
調御馬。早看蒼鶻落雕弓。花迎甲帳晴沙裡。月  
照緹城白雪中。應笑爲郎初執戟。何人獻賦子  
雲同。  
敲金戛玉不同細響

蔡中丞重修滕王閣賦紀

向來飛閣控南州。憲府重開擁上游。萬里青山  
羊祜在。千年碧殿魯公留。開簾暝樹香鑪合。倚  
檻高城劍氣浮。憑眺幾人悲往蹟。章江不斷月  
空流。  
拾興六益遊尋思古別詩



言集三集  
卷之八  
借吳六益遊報恩寺限韻

從遊梵宇過江濱。朱檻雕楹法象尊。塔勢入雲低。白日鐘聲出樹。欲黃昏。芙蓉別苑關城杳。禾黍高原古寺存。聞說昔王垂創闢。艱難端欲示文孫。

送宋直方南還

羨君綠鬢領朝班。十載君恩拂袖難。漫擬季鷹懷故里。遂如疏廣出長安。晴開太岳秋雲迴。風起黃河鴈影寒。此去東山知不久。蒼生應復逼

彈冠。

潘山人至自遼左

匹馬南歸道路長。相逢夜閣話遼陽。竇家錦字愁難寄。蘇氏河梁雁幾行。秋盡隴雲寒欲雨。陽回邊草白于霜。漢庭亦下金鷄使。誰念當時折檻郎。

余國楷

雲樵

鹵塞人已見六卷

聞蟬

兩間有廉氣。亦且寄飛蟲。不爭鳳凰食。舉首吞

太。空。露。寒。為。洗。羽。翮。健。任。西。東。飲。啄。羞。地。力。飛。  
 鳴。忘。天。功。豈。不。念。口。腹。尚。口。古。云。窮。高。樹。有。遺。  
 音。遠。近。聽。好。風。鴟。鴞。胡。為。者。腐。鼠。在。意。中。未。知。  
 宇。宙。廓。羽。喙。自。曰。工。共。是。天。地。生。清。濁。胡。不。同。

借物發意風人微詞

過光武斬石人處

栢。鄉。城。北。王。郎。里。旁。有。荒。祠。半。欲。圯。階。前。橫。斷。  
 石。人。眠。道。是。漢。皇。劍。所。指。興。王。受。命。鬼。神。靈。數。  
 聲。叱。咤。山。河。徙。此。石。區。區。何。足。云。一。怒。千。年。荒。  
 草。裏。漢。家。十。世。屬。中。衰。當。時。海。內。瞻。烏。止。新。莽。  
 未。敗。赤。睂。強。不。見。神。奇。心。不。死。驅。除。耳。目。重。禎。  
 祥。石。人。亦。且。助。天。子。

對酒

曲。徑。苔。鋪。席。長。松。偃。作。廬。澗。同。人。眼。冷。雲。用。素。  
 心。鋤。胸。內。峰。巒。老。杯。中。世。界。虛。與。君。歡。笑。罷。歸。  
 鳥。度。林。疎。  
雲用鋤字妙

看荷

秋。近。荷。心。肅。幽。香。已。滿。頤。綠。隨。岸。影。變。紅。逐。暗。

言持三集  
風開忘濁泥爲處自道語。鴛鴦了不思逐  
徑破莓苔。幽逸之致引人清想。

觀松

並峙無年歲。入雲凡幾重。雨過秋一碧。濤急鳥  
來衝。密葉堪栖日。拳枝欲鬪龍。高心看衆木。小  
大自相容。

圍棋

移床敲嫩竹。竹色使棋清。冷眼觀青白。平心認  
敗成。落花數負局。小鳥學殘聲。奕罷清風起。閒

雲守石枰。

三句處世法。四句讀史法。五六雕  
刻極矣。

倚栢

有樹名爲栢。與松共記年。雲摩千尺幹。鶴護一  
巢煙。晚翠穿林老。餘香逐雨鮮。興來堪偃臥。不  
爲好風眠。

看釣

短衣不識暑。長日傍平湖。避伴常移水。貪心細  
認蒲。竿投愁浪動。魚至怯人呼。風雨歸來急。還  
家較有無。  
句句逼真。只是認得看字明白。

宋鍾觀螢

着物同寒火。浮光聊自輝。有明堪夜弄。無力逐朝暉。羣起疑星亂。巧來時坐衣。丈夫學劍氣。應化老龍飛。

初峽

遠水望疑盡。始是峽初開。城留漢帝跡。逕沒楚王臺。獅象中流踞。峰巒逆面來。江陵千里路。爲問幾時回。

中峽

昨日辭初峽。奔濤怒未回。亂雲搖嶽岫。恠石吼風雷。水勢千江合。晴光一線開。舟人相顧處。爲報峽烏來。  
時忽有烏集舟舟人以為風信

下峽

蜀地前朝盡。自巴東而下凝眸望欲開。片天缺處現。遠棹隙中來。諸嶺差堪辨。狂瀾漸欲回。當年椎鑿力。獨見鬼神才。  
峽有黃陵廟相傳此峽爲此神所開

兵書峽

幾束巖邊簡。傳爲蜀相留。平分三峽險。坐看衆

詩集三集  
江流秘訣龍爲守。深藏鬼共謀。只今舟上客。猶說漢春秋。

四峽詩皆以寫境逼真便成奇句如身到其地徘徊流連作千日思

留別仲裕嵩山兩兄

朝來收拾着征袍。攬轡臨岐意轉勞。握手夢殘寒雨外。故園秋老楚天高。尊分兩地憐花色。雁過千山望羽毛。紫詔新從丹鳳下。我還籬下

問離騷

落葉

千羣相逐下前墀。敲得寒心滿瘦枝。入世已深情正老。受霜多處骨偏奇。連朝別樹疑同客。一夜經秋只自知。顏色不關風雨妒。與君還悟未生時。  
每多閱世深情隨物寓意

道中遇雨

迷離野霧罩花顛。幾度今朝客未回。馬跡漸隨流水去。不堪風雨逐人來。年年奔走足生涯。斷竈穿牀總是家。寂寞有懷誰共語。印來無數馬蹄沙。

壯心百折半成灰。滿地黃塵撲面來。客夢幾年  
 竟已老朝朝。况復曉風催。根絲豈老對冥冥。對  
 挑盡孤燈只自知。邸窓寂寂笑人癡。秋風不信  
 行人老。為問重來樹樹枝。樽容未回無恨。樽

環滁皆山一水抱城太守以風流鎮之誦聲  
 千里庚戌秋杪僅得其數詩業為擊節近于  
 郵筒中讀其全集清新雋逸兼而有之益嘆  
 楚國多材不使竟陵二公獨擅一代也全稿  
 悉登名家論定先  
 此以公同好焉

顏堯揆

孝叙

永春人

舟中效韋體

畫鷁避石尤。開牕展書讀。遙睇平蕪中。綿芊芳  
 草綠。江。肫。拜。濤。奔。沙。汀。起。鳧。鷺。把。酒。發。浩。歌。呼。  
 雲。伴。我。宿。

舟行蘆岸移。風猛舟顛。起伏江上山。撩亂江  
 頭樹。風波儘怕人。何處覓平路。止看捕魚者。扁  
 舟自來去。  
逼肖直使蘇州拜下風

堂前雙鹿

本是長林侶。誤依聽訟庭。久違芳草夢。遙憶  
 莘馨。俛仰分官俸。夷猶卧戒亭。行春而夾轂。莫

戀故山垆

生平風雅癖。文字足療饑。世路多罽網。故山有  
蕨薇。相呼多得意。獨立自忘機。蕉影寒庭夢。雙  
雙照日暉。  
寓意得古法

九月十四夜步月

夜深人語靜。無睡對秋空。看桂謀尊酒。烹茶喚  
小僮。鶴清同守月。蛩老慣吟風。庭院澄如水。影  
篩百尺桐。

舟中望荻港

人家巢繡錯。對岸一橋橫。雪重蘆花白。風微鷓  
子輕。波光亂曉日。魚唱雜歌聲。孤鶴團沙起。不  
同俗吏行。  
得望中真景

舟中風雨

黑霧又將雨。弱蘆慣受風。天低朝作暝。江濶浪  
排空。潮上驚沙鳥。宵寒亂草蟲。湍須衣帶水。悵  
望渺茫中。

連夜星河暗。流螢過短檣。支更頻擊柝。倚岸不  
鳴榔。燒燭書殘夢。添衣檢舊囊。年年好風雨。止

詩林三集  
恐度端陽。

薄暮憇芙蓉庵

步入禪關。欣然小憇之。歸雲眠峭壁。栖鳥語寒枝。鐘定燈初上。茗香渴正宜。安能留一枕。清夢繞山湄。

移竹

此君真不俗。位置自成陰。篔谷方移種。柯亭誰賞音。喜無人熱態。知有歲寒心。日日平安報。相看意獨深。

胷中千畝在。何地不清幽。俯仰折腰吏。疎狂灑  
灑侯。影從庭際落。虛向節中求。自負參天槩。暫  
將矮屋留。

宿運漕真覺寺

兩岸波光相對清。寺臨水際柳如城。黃花未老  
秋容澹。珠露乍流蛩語輕。客船有人吹夜笛。江  
村無地不秋聲。年來博得今宵靜。莫說馳驅露  
冕行。

五六句清空使人不寐

雪霽和胥永公水部韻



言持三集  
雪片霏霏點畫櫳。吟懷偏在旅愁中。連朝白到  
都無樹。今夜霜凝却有風。坐看饑鳥閒啄瓦。偶  
呼瘦鶴自摩空。登樓一望江天濶。鱗次千家積  
玉瓏。

初晴步墨池

散衙偶爾步林塘。水滿孤亭似客航。竹忽出欄  
無約束。鶴思冲漢獨昂藏。牆傾久雨籬能補。橋  
濕初晴屐自行。綠柳四圍眠復起。欣然人在水  
中央。  
無約束妙見生生之理

從蕪城回宿毘盧庵

波光柳浪簌斜陽。葦箔漁舟盡水鄉。栖畝黃雲  
多滯穗。歸汀白鷺帶餘糧。暮烟江上寒蘭若。秋  
色籬邊爛海棠。我自夙耽丘壑趣。可忘叢桂小  
山香。

舟過太子磯

遙望磯頭雲氣清。連朝風雨喜初晴。一雙白鳥  
掠波舞。無數蒼葭入眼明。濁酒滿斟添煖至。弊  
裘未解怯寒生。莫嫌腰折勞勞者。臥聽櫂歌長

短聲。

掠字入字皆得舟過真景

先生自辛卯登籍與家叔植青諱汝槐同譜時從郵筒讀其詩溯洄者久之近守古巢紫芝白湖之勝盡收入錦囊益以乃祖左史範卿公全集遠示得光拙選孝友淵源千載盛事以此宣為吏治當不減蘇州刺史永嘉太守之風焉

陳玉璣

賡明

椒峰武進人所著有學文堂詩集

梅花落

無數梅花樹。紛紛正落英。隴頭逢驛使。笛裏咽邊聲。片影春雲亂。空枝夜月生。壽陽粧更好。飄蕩下勝情。

廣平道中遇雪

行行洛水畔。雪壓蔽朝昏。橋立方知岸。烟高始驗村。宿鴉添樹景。過馬失蹄痕。獨有岐途嘆。蒼茫斷客魂。  
確是道中遇雪細讀得之

落葉

木葉驚微脫。相看惜故枝。一秋今古夢。萬樹別離思。入水飄無定。隨風下每遲。始知天地意。搖落總無私。  
字字是落葉

泰山道中山行

鑿石開山徑。懸崖一騎穿。倚天雙劍削。夾谷老藤纏。小鳥搖空翠。浮雲接曉烟。只愁行欲盡。回首復停鞭。  
是山行真景

溪上

驟雨山泉落。潺湲直到溪。小邨欹嶺北。斜日澹峰西。過眼花初發。無名鳥自啼。老農晞髮坐。真欲羨幽棲。

聞鴈

水驛賓鴻怨。夜分客心何事最先聞。關山越境思吾土。漁獵驚棲念故羣。秋氣漸增樓上笛。羈懷欲入渡頭雲。那堪回首蒹葭外。漠漠天涯更值君。

送劉秉三郡丞署義興

雙旌拂綬指巖疆。父老謳歌此日長。家在鄜州明月下。帷褰罨畫碧溪傍。三春驛路垂官柳。十里村煙出女桑。自是宦遊多逸興。郭門相送奈徬徨。  
工緻之極凌王百谷

與濟寄懷家兄其年

同君擊楫大江干。共把離樽未忍乾。一自風濤愁裏聽。真憐兄弟別時難。雲連滄海鴻邊度。月落滹沱馬上看。爾在家鄉定回首。幾時書札到長安。

五六句點景鄭重不浮得盛唐風味

范蠡湖

澄湖晴望斷平蕪。却憶當年范大夫。亂後君臣猶在越。異時蹤跡不歸吳。一春鴈鶩常飛動。中夜魚龍竟有無。知爾封侯原不羨。稽山回首月明孤。

馬陵

無邊山色鬱蒼蒼。聯絡諸峰散夕陽。北枕沂州春樹渺。南臨相水暮雲長。烟添青嶂迷殘壘。鴈起黃河冷戰場。千古英雄誰豎子。只今惆悵馬陵傍。

趙晟

朗雯 漳浦人

寄信

欲寄家書去。臨行半字無。囊空雲滿袖。裘敝露侵軀。夜月思鱸膾。秋風憶荔奴。鄰舟相問訊。有

詩抄三集  
酒莫辭沽。

舟次濟州因同李孺貞刺史登岸晚眺有  
野叟識予姓名官秩告舟子曰使君何  
僕僕道路也口占答之

燕道不辭苦。征衣染舊塵。野翁知客姓。舟子語  
官貧。骨傲腰雖折。形勞志自伸。浮雲催日暮。夜  
月復相親。

月夜泛舟

舟行宜靜夜。倚棹聽潮聲。岸竹因風語。檣鳥帶  
月鳴。江天如畫意。雲漢入秋清。欲問廣寒路。乘  
槎到玉京。  
一片冰心不堪持贈

舟中同李孺貞盧子敏卽席分賦

乘興頻頻發舊醅。凭檣共賞芰荷開。風吹畫舫  
香猶在。雨過高樓月漸來。愁客無情看綠柳。遊  
人托跡寄青苔。新秋分手知何處。江水悠悠逐  
浪回。

旅病

無端旅病倩誰知。正值秋來聞鴈時。落葉無情

猶戀樹衰荷。有恨總歸池。中宵鼓角他鄉夢。萬里關山故國悲。兩袖清飈惟藥裹。半簾烟雨足朝飢。

三四句于無情處看出有情結更蒼涼悲壯

秋閨

懶開鸞鏡理殘粧。夾岸芙蓉醉小塘。人在夢中何日到。莫教秋月照孤床。

岸柳

兩岸垂絲自向東。蛾眉長黛為誰工。章臺未許

行人折留取。枝頭醉晚風。

黃元坡 辛子 海澄人

陌上桑

陌上採桑誰家婦。顏色如花照人瞳。養蠶為絲織成錦。鸞呼鳳舞惱春風。使君駐馬暫回盼。欲令蛾眉笑語同。誰知妾意若磐石。終身誓與白頭翁。貞芳不損隴西秋。秦女彈箏趙女愁。

子夜歌

郎為芙蓉花。妾是蘼蕪草。芙蓉著紅時。蘼蕪春

已老

樂府元音

漳平道中懷子居淡石晉公諸友

友。惟。求。舊。好。途。以。未。經。新。大。抵。澄。泓。少。奔。舟。寡。  
逸。民。飛。濤。白。着。樹。石。竅。識。鯨。人。能。此。悟。彘。險。森。  
然。念。德。鄰。

天宮大瀨

同。是。南。來。際。奚。茲。濺。雪。花。凌。波。舟。作。步。漱。石。水。  
當。牙。危。壁。看。瀾。老。安。篙。聽。雨。奢。寧。知。湍。激。裏。溪。  
色。穩。人。家。

夏店夜雨

懸。崖。常。作。雨。旅。夢。入。霜。寒。况。復。刁。舫。際。翻。思。道。  
路。難。梭。花。吹。浪。細。玉。板。出。沙。乾。莫。惹。五。更。恨。愁。  
衣。不。可。單。  
結想多殊

榕城西河舟中同原舍兄守歲

歲。深。仍。岸。住。客。子。亦。思。年。野。火。生。霞。外。霜。顏。到。  
酒。邊。乘。除。天。欲。老。迎。送。我。猶。憐。幸。爾。聯。床。話。春。  
風。上。夜。船。

冒雨全蘇仲素年兄度坑嶺嶺

竦樹穿雲疎復盈。遠峰堆黛送行旌。人家雨外光偏細。馬首嵐中溼未更。雪嶺逢梅將鶴斃。燕江曳練入山城。與君丘壑堪誰置。杖策還驚髀肉生。

三山和呂素崑民部客閩咏梅之作

使君能發舊時花。潑灑幽姿拂素霞。可是官梅開興早。曾傳春雪渡江奢。香來片片爭斜月。咏到娟娟湧碧紗。我亦閩人猶作客。恐驚歲暮滯天涯。

酬雲夢李稀叟年兄

偉人神聳出孤舟。雲夢胸中此際求。憶自長楊同獻賦。偏疑通臂不封侯。龍門高御儲楠杞。灑澤閒遊遍索丘。試問臨邛王令尹。故人幾醉鸕鷀裘。

官廣文善奕為華亭令王約庵同鄉年友

與君蘭譜各西東。閩楚風光吳地通。熱不因人官獨冷。談惟國手敵輸工。尊羹駕迅思千里。郢雪歌聞拜下風。愧我燕南來往織。年年春信聽離鴻。



言林三集  
三  
答田髯淵來韻併謝

易學家聲漢代傳。詩名匡鼎媿當年。秋來適志  
惟鱸膾。語到驚人似謫仙。四海高言欣入座。一  
樽細論倦遊燕。多君齒頰輕相許。况復臨岐贈  
大篇。

陸仙輿先生以詩誌別依韻和之

二月舳舻過。涉西斜陽弱柳不勝低。共傳首宿  
隨天馬。曾製笙歌雜羽霓。屈指及瓜槎漢遠。遙  
瞻分墊斗箕齊。東南民力堪紆矣。誰步宣公尺。

疏題

竟陵論畫云。熟後求生。穉求老。然詩中有畫  
余即以此論詩。得其當者。難乎其入。舊秋讀  
先生詩。每作此想。今春定交。茸署尊酒。論心  
極稱。冰乳因得。探其詩。輿真不屑。以古人糟  
粕。自墮其聰明。求生求老之意。益不自誣。吾  
鄉先輩。惟石齋八公。時賢。惟元仲。綠厓。可相  
彷彿。誰謂秦無人也。吾將以  
辛子全詩起。竟陵與論。画焉

江鉉 爾調 六合人

送魏惟度先生歸閩

海天詞伯憇江陞。聊向祇園自注詩。久著緼袍  
驚節換。時須祿米供朝饑。龍吟劔浦何其怪。鳳

去金陵有所思。他日兩鄉情不隔。莫雲春樹影。迷離。

布帆無恙水東流。悵別龍津古渡頭。錫我百朋空在抱。懷君萬里不同遊。江山半道分吳越。風雨間關歷夏秋。回憶論文攬袂處。疑從仙鯉夢中求。

情詞藹然。惜行篋未珍其全稿。不無悵悵。

沈垣 衛人 吳江人

秋夜

碧落雲收思惘然。江邨秋色正堪憐。一溪烟靄眠鷗鳥。十里芙蓉隱釣船。風動空庭寒玉響。露凝幽砌碧苔鮮。相思遙望樓頭月。獨對清光不得眠。

孫纘祖 霄客 嘉善人

酬巢端明寄懷之作次原韻全錢爾斐

華陽十賚豈云貧。白石青霞不負人。洗耳遙追潁水躅。荷鋤猶是義熙身。山中麋鹿渾忘俗。洞口桃花少問津。細柳新蒲曾憶否。年年風雨曲。

江春

紫薤青菘未是貧。庭前琪樹况南珍。鹿門妻子真借隱。馬鬣松杉更戀親。掛角書存驅犢健。漉巾客到把盃頻。耦耕有約東溪叟。花裏移家願卜鄰。

雋語逸調如聆笙簧

杜濂

子濂 濟南人所著有涓湖吟鈔

陶家堰

野屋水為垣。更以水為陌。遠望渾青青。玉蘭雙

樹白跼跼飛江鳶。何年乘下澤。

葯圃

芳根瀟楚澤。啼鳥漫咬咬。垣曲朝叢籜。椽疎夜落茅。白薇衣鹿徑。蒼耳枕烏巢。莫詫籬園杏。風流向此郊。  
幽奇可想

平山懷古

隋宮舊址盡荒涼。一代繁華怨夕陽。清夜綵春啼鳥寂。紅顏黃土野原香。星樓涵日浮空碧。御道連烟入望長。多少興亡成底事。年年青草滿

雷塘

蘇鐸 道建 溫陵人

人日雨雪宿紅花埠

今日是何日。雪深沒馬蹄。何曾日返照。但見雪成泥。旅鴈凌風急。山雲向晚低。春來寒不減。鞭凍費提攜。

至寶應買舟夜行

馬上霜威凜。登舟氣漸融。還家應有日。歸棹且因風。偃臥琴書畔。醉吟雲水中。村村燈節鬧。隔岸映燈紅。

山東道上卽事同石漪作

曉月暮烟漫。醉醒南來重。繭每兼程。鷄聲怯聽。催三遍。馬齒自憐長一行。歲月銷沉。雲鴈影江山。熟識故人情。敢言歸去。漁樵好。恐爲忙。馳負此生。

邸中守歲同傅石漪劉伯啓李伊湄

拂拭紅塵几。席間半鈎斜。日上簾顏。朋如爾我。休言寂座有琴書。儘耐閒。殘臘醉中爲客過。曉

鐘聲裏覓春還。莫嫌此夕風光冷。共照燈花影。自斑。

道建相遇白門定交已久近從傅暘谷署中得讀其新詩音節安閒詞華兼贍洵足鼓吹一時恨全稿未見無由盡光拙選甚矣登集之多寡不閱交情也

孫汧如 阿滙 六合人

春杪送魏惟度返白門

抱病老梅屋君來病亦嘉挾持千古意酬對一春花奏賦西京業言詩正始家海天懷故里日暮起悲笳。

愁是春將去。如何子復行。新鶯窺折柳。亂燕舞懸旌。反後無騷體。書成有墨兵。齊梁留草色。白下正淒清。  
起處有情

田居秋詩

以閒爲老政。托病遂幽尋。無事勞衰骨。何人見苦心。遠山難入座。纖月不穿林。展也思君子。懷哉嗣好音。

無人

幽課無人自命題。幽情無事獨含悽。隨時澆酒

詩集三集  
寬花歎到處停吟讓鳥啼滄海塵空朝日麗雲  
霞勢壓晚山低何期埜草多機事蓬萊閒行困  
疾藜感慨處絕不淺露

陳瑤僊

扶蒼

遂江人

射蛟臺懷古

樓船此處舊經過漢武英雄今若何陰雨寒林  
淹日月夕陽秋草障山河地靈寂寞龍蛇杳人  
事蕭條鴻鴈多千古登臨同一望呼殘沽酒聽  
漁歌

施珪

佩宜

吳縣人

由新城道中出桐江

不憚驅馳苦秋風吹客衣馬蹄黃葉亂鳥背夕  
陽微小縣千山裹長溪衆壑歸江寒烟漠漠遙  
識子陵磯

早春過海虞別天彝舟中寄懷

盡醉始爲別臨岐無一言蘼蕪江上路寂寞鳥  
邊村嫩柳交鶯色春波蕩葉痕那堪今夜月兩  
地照離魂

春湖泛酒

春融湖氣潤。峯影淡兼濃。只此一樽酒。能聽幾  
寺鐘。埜鷗當嘯起。茅戶待雲封。半醉歸途宿。蒼  
蒼指暮松。

三四得竟陵承鉢

八月十四過高峯寺訪王季銓

不待來宵月。先將冷素心。偶乘閒逸興。忽過水  
雲岑。松氣浮蒼翠。泉聲落淺深。石門殘日冷。倚  
杖聽鳴琴。

屈翁山王璞庵遠接敝廬

四載各何適。飄然同到門。松筠顏面古。冰雪肺  
肝存。閒臥正愁寂。接歡如夢覓。莫嫌篷室冷。亦  
有藿羹溫。

鄧尉探梅

湖光一望凝空白。鳥道千重失翠微。殘月尚迷  
遊子屐。清香已透野人衣。板橋獨立鐘初度。水  
曲徐行鶴共歸。莫笑來朝又策杖。可堪風雨滿  
杯飛。

清况在目

早春過雲間訪魏惟度吳星若

春郊隨意訪王孫。芳草新抽綠到門。雲水結盟  
 幽並榻。鶯花招夢笑傾樽。亂書堆裡藏名姓。羣  
 玉山頭邁等倫。恠底九峯齊減色。客星雙燦少  
 微垣。

秋夜旅懷

滿窓風雨竹聲多。明滅孤燈奈醉何。衾枕亦憐  
 鄉國異。肯容殘夢越烟波。

趙

灑

山子

吳江人所著有客嘯詩草

寓園雜興

浪跡投華圃。閒情立小亭。水天雙月白。吟嘯  
 燈青暮。館裏神。雨秋江。老客星。商歌未終曲。促  
 織爲誰停。  
三四雅鍊可愛

月照巉巖石。雲生罨畫樓。葛幃消薄簟。桂露點  
 新芻。調柱聽銀甲。侵簾想玉鈎。輕風傳笑語。無  
 夢學莊周。

庚戌中元前再至膠城呈雪乘

萬頃洪波一葉舟。重來時候正新秋。鳴琴自是  
 無畱牘。吹笛何妨獨倚樓。撫字催科皆上考。繭



詩集三集  
絲保障得先籌。重來歌舞留髡醉。却向南湖憶舊遊。

諸莊甫將卜居膠城賦贈

攜朋相宅日初斜。籬落荒荒豆莢花。自嘆十年長作客。欲歸三徑已無家。袖中詩卷禰衡刺。客裏鐙封陸羽茶。燕子秋來無定壘。偏將倦羽掠平沙。  
每多情摯處

次歸元恭韻壽李剩齋

白鶴清江水不波。幽人小築卽山阿。芒鞋楸杖閒時少。竹院旗亭樂事多。有子能供千石酒。無妻堪和五噫歌。畫圖點染青牛客。百尺長松掛綠蘿。  
詩到真極自然動人

春日同徐松之訪砥之湖浦

暇日無聊逐勝行。荒園野徑覺春生。繩床孤坐原無意。絳帳當開自有情。宿樹鳥驚非俗客。迎門犬吠是先聲。青雲故友如相問。驃騎難誇第五名。

湯豹處

雨七

吳江人

楚江

時伯父掌陳大司馬書記從遊在宛

楚江多戰伐。烽火逼黃州。白日寒無色。蒼山晚更愁。關河過客少。村郭幾家留。謝傅功成後。應思賭墅遊。

北歸泊京口作

得辭驢背入輕舟。愛泛江南碧玉流。捲幔靜觀千嶂夕。掛帆飛渡一江秋。故園殘月篷窓夢。旅枕濃霜塞雁愁。尚記暮春途更苦。斜風細雨到瓜州。  
其詞楚楚

晚泊梁溪尋倪迂故址

高士門前棹且停。九龍山下水泠泠。霜林浙瀝飄殘葉。野竹蕭疎覆古亭。閒洗碧梧秋雨淨。獨凭清秘晚峯青。思公一似蘇耽鶴。悵望遙天倚翠屏。  
新翠欲流

江村秋霽

新晴興自生。散步出茅屋。木落寒江空。荒村響疎竹。

送顧樵水入閩

碧水浮空江樹低。輕帆一片出西溪。仙霞直北。關山遠。日夜猿聲傍客啼。

語風訪雪嶠老人

清秋歷歷見青山。籠鶴尋僧意自閒。行過石橋。松萬樹。潮聲剛落亂峯間。

丁胤煒

雁水

晉江人所著有問山集

古別離

鬱鬱霜中松。離離秋前草。聞君有遠行。憬焉怒如擣。思愛日以深。相期金石保。離愁未忍知。顏

色衰黃。早久失姑嫜。依辛勤悅親嫂。有嫂以當姑。蹇蹇難復道。丈夫志四方。欣慨効默禱。仰視天上月。萬里隨君皓。孤輝照妾心。感結傷懷抱。出門無非新。何以慰綦綰。末段婉媚動人

荔枝夢

粧樓傍曉開。掩映綠陰處。絳紗帳裏。睡佳人欲呼。與語不得語。空有明珠掌上珍。瓊瑩秋水。鮫神妒相思。一滴淚。絲香日斜。陣陣飛紅雨。

曉渡楊子江

飄篷涵日出。曉色一江深。潮入海門白。雲將瓜  
步沉微。茫輕世慮。浩蕩見天心。古寺中流迴。虛  
空落磬音。六句空曠

寄懷李熊生蔡于曾諸廣文

久客忘為客。孤樽覺夜寒。蕉風鹿夢斷。江月雁  
聲單。每念清瓊穩。應憐行路難。幽心歸未得。蒼  
碧滿琅玕。

遊雲夢山

山腰欲斷亂峯連。皎潔孤雲入夢懸。石臥松陰

迷曲徑。風迴澗響落晴川。龍頭鐺老花皆藥。鳥  
跡書傳洞有天。計就縱橫何處是。蟬聲斜掛夕

陽邊。

丰姿欲仙

賦得暗水流花徑

零亂花源宿雨侵。靜隨涓響得幽尋。輕湍春引  
寒香泛。曲榭宵含涼氣深。碧藹游魚時避影。灤  
泓悅鳥共啼陰。猗蘭欲寫聞清珮。月落參橫擁  
素琴。寫得暗字出便佳

武昌渡江

詩集三集  
兩面孤城碧水分。天低欲墜一江雲。晴川暮靄  
笙歌起幾處。春風醉舞裙。

梅坪村

孤村傍水兩三家。荒草亂煙集暮鴉。無那寒霜  
仇旅客。滿江春色落梅花。

潘居貞

天行 菊梅烏程人所著有涉園詩集

探梅舊居

昔年曾寄跡。此日又重過。白日行天少。青山入  
夢多。園林花尚發。潦水不生波。回首清歌夜。依

稀滿玉柯

余光炅

融若 西塞人

波浦子口和胥允公工部韻

霽色迷寒渡。山川紀勝遊。澄江光曳練。遠塔影  
橫秋。爽氣聯帆動。波光入畫浮。欣逢高士履。來

印蓼花洲

字字追琢

僧話夜雨

何處砧聲急。遙知客夢遲。片風催菊夜。疎雨滴  
梧時。應得禪中意。如敲韻外詩。秋窓頻刻燭。移



俞南史

無殊

吳江人

凝青軒自題

精舍臨幽壑。寒梅間碧峯。因尋青桂侶。聊息白雲蹤。簷暗栖空翠。林香和晚鐘。圖書堆滿架。閒坐覺疎慵。

五六句見幽深之致

春雨集包朗威研山草堂同及山夫作

築室名山畔。春陰長滿林。樓臺雲上見。花柳宅邊深。把酒鶯頻勸。翻書潤欲侵。閒坐儘疎曠。無

意遠相尋。

鄧尉山居十二詠

芙蓉屏嶂擁花宮。翠拱南湖四五峯。月宇涼風金粟細。紅樓香靄碧雲重。闌前晴覆千林雪。枕上聲搖萬壑鐘。欲覓山中諸舊侶。月明多向石橋逢。

聲響欲飛

蘆葦蕭蕭響輒聞。芰荷香動片帆分。雙橋夜鎖千峯雨。孤嶼朝連萬頃雲。遠泛漁歌移柳岸。清翻月渚亂波紋。好教放艇中流去。把盞閒隨鷗

鷺羣

蒼松高閣倚新晴。聞說登臨步履輕。遙列雲峯青不斷。空涵煙水夜還明。圓沙日落飛鳧亂。野岸漁歸村鼓鳴。猶憶相攜仙侶至。月明曾傍坐吹笙。

片石嶙峋引睇遙。攜壺登陟各相邀。四山花發雲常掩。一場香寒雪未消。桑竹人家煙火聚。綠簑漁父酒帘招。雖將地比桃源勝。路入清谿滿客舫。如棹武陵欲舫其勝。

顧萬祺

庶其

吳江人

大梁行

大梁城上棲烏啼。大梁城下黃埃飛。狐狸晝號鬼夜哭。陰雲黯黯風淒淒。白楊慘澹悲蕭索。衰草茫茫愁鳥雀。白頭父老苦吞聲。漫說前朝淚雙落。憶昔桐封初建季。雕甍畫棟凌春燿。香車寶馬驟都市。王孫貴王驕神仙。青樓十二舞長袖。玉簫金管和鳴絃。秋月春花更朝暮。十千斗酒輕金錢。但知行樂日復日。何期羣盜齊鳴鞭。



鳴鞭躍馬黃河曲。雲擾尤來肆青犢。倒決河流灌大梁。天崩地坼翻陵谷。號泣空聞百萬家。一時沉陷同鳴蛙。生靈頃刻化魚鼈。天潢玉牒淪泥沙。昔日豪華那復有。飛藤蔓葛紛糾拏。賊平已經二十載。空城白骨猶如麻。吾聞此言長嘆息。撫景悲涼動哀惻。老翁嗚咽不復言。寒月荒煙亂荆棘。

懷古深情如泣如訴

秦宮詞

祖龍虐焰流滯荒。蛾眉十萬充阿房。六王鈔選

海內色一朝。列侍齊凝粧。曲房夜飲迷西東。歌臺暖響春融融。綺羅金翠照天地。黛煙脂氣香空濛。露華滌澹銀漢橫。不聞啞啞天雞鳴。酒昏花睡宴欲罷。美人空掩芙蓉屏。芙蓉屏掩宮車迴。冉冉桐花落。金井滿。宮曉夢未分明。轆轤聲斷銀瓶冷。

波瀾無數感慨殊深

房天駟 大生 江寧人

九日

秋山當戶入。無客亦悠然。時節對兒女。誰家調

詩持三集  
管絃老。知風俗。薄貧愛草廬。偏漫道盤餐舊菜。  
莫香可憐。

九日登清涼臺時未開菊二首

籬根可惜候花期。門巷蕭疎酒到遲。江外數峰  
秋水闊。振衣人立欲晴時。  
臺草青青雨漸乾。鍾山依舊兩峰寒。白頭又把  
茱萸醉。不用臨風仔細看。

鄭一拂祠

一拂清風未絕人。監門慟哭許誰倫。繪圖今日

天王聖。寄與東南治賦臣。

趙端 又呂 錢唐人所著有懷秋苴

虎丘

名區當勝地。遊賞况春天。野圃花間市。山塘柳  
外船。香臺餘片石。劍氣在清泉。短簿仍祠廟。荒  
涼起暮烟。 的是虎丘

烟雨樓有感

縹緲飛樓帶夕陽。南湖秋色正蒼茫。烟開蘭漿  
鴛鴦冷。風度蓮舟菡萏香。城堞無端悲遠客。山

言持三集  
川信美是他鄉。忘機却羨沙間鳥。日傍寒漪狎  
野航。詩情縹緲有雲想。衣想之妙

重九後五日同人集湖上次韻

雨歇園林積翠平。黃花破蕊雁初鳴。草間啣鹿  
相呼友。水上眠鷗自結盟。小閣疑從天外落。輕  
舟宛在鏡中行。遠山銜日餘酣在。勒韻分吟此  
際情。

戴公園

碧草青蔬滿路生。荒園猶識戴公名。一從澤國  
嘶。征馬無復春林聽。曉鶯北郭烟消孤島出。南  
山雲起衆峯晴。吳。陵。泯。滅。同。黃。土。畱。與。邨。童。放。  
犢。行。慨嘆情深

題畫

沿堤春草綠氤氳。遠樹遙岑隔岸分。爲問幽人  
高臥處。柴門深閉一溪雲。

顧湄 伊人 太倉人所著有水鄉集

閱江樓

在獅子山舊  
名盧龍山

萬里長江一望收。高皇親建閱江樓。雲開蓬島

星。河。曙。月。出。盧。龍。天。地。秋。碧。草。自。生。宮。寢。路。青。  
山。仍。繞。帝。王。州。憑。君。莫。問。當。年。事。禾。黍。同。歸。六。  
代。愁。

得王元倬孝廉書并南陔堂集

紅。葉。盈。床。閉。戶。餘。陪。京。掌。故。復。何。如。十。年。庚。信。  
江。南。賦。一。紙。蘇。卿。塞。北。書。夜。冷。石。城。砧。斷。後。秋。  
深。澤。國。鴈。來。初。總。然。出。處。逢。多。難。王。謝。風。流。尚。  
不。虛。

元倬品節文章可冠白門故伊人贈詩亦復  
鄭重

李贊元

素園

漳州人

題大中丞佟滙白僻園次觀察宋荔裳韻

郭。外。烟。霞。僻。飛。塵。寂。不。干。風。清。一。水。靜。雲。暖。百。  
花。乾。種。樹。催。園。吏。行。樽。問。酒。官。石。泉。宜。嘯。咏。磅。

礴獨凭闌。

官字押得穩

積。翠。長。干。路。名。園。在。里。西。塘。深。魚。睡。穩。花。密。蝶。  
飛。迷。亭。影。穿。林。出。風。聲。入。樹。齊。鶯。啼。隨。意。聽。斗。  
酒。不。須。攜。

登。臨。縱。四。望。如。入。白。雲。間。草。繞。長。堤。翠。苔。侵。老。

言持三集  
樹斑鳳簫吹艷曲。箬酒佐鮮鯪。俗客休相過。飛禽自去還。

彷彿蘭亭興。羞稱金谷園。廊迴疑斷路。地僻卽空村。北海樽常滿。東山屐尚存。客歸人語靜。夕照在芳墩。  
三四如見幽靜之景

設榻方塘上。涼風送雨來。竹林環珮集。柏府畫堂開。地擁三吳勝。人傳八斗才。東南桃李盛。盡入幕中栽。

地形因舊築。花檻復重營。白鶴松邊唳。青山竹外明。石紋延古色。蟬曲奏新聲。徒倚坐忘倦。吳歌已數更。

每懷幽壑意。半榻足高眠。愛嬾何愁病。耽閒不礙禪。午橋蹟已廢。杜曲夢猶懸。勝事今如昔。何時借數椽。

瑯玕已滿墅。鄴淥亦盈床。興到尋芳逕。愁來入酒鄉。銜盃對畫壁。揮手別斜陽。猶笑臨邛客。樽

空問鸕鶿。

僻園八首和韻者如林先生作獨以穩貼取勝

徐崧

崧之

吳江人

再見

吳石葉靈本昆季讀書東坡池上過訪道

場新方丈因贈

選勝來瑤席。書聲動曉鐘。窗前黃蝶舞。谷口白雲封。夜月懸雙壁。春波隱二龍。看君英妙日。嵐影翠重重。

奉懷廣德雲門和尚

六載春風闢禪床。識舊恩。雨飛芳草渡。烟鎖落花村。世外幽人逸。山中老衲尊。寸心如皎月。夜夜過雲門。  
結有禪旨

坐湖州法華寺望湖亭作呈豁堂和尚

古寺春山裏。松林一徑穿。人言傳白鵲。我意憶青蓮。曲水筇邊轉。空亭望裡懸。羣遊何雜沓。獨坐更悠然。

題徑山曇芳菴

為松源房靈常禪師靜室

山後何幽窈。誰人結一椽。凌霄峰留曉月。臥石菴起寒烟。正可耨荒圃。尤宜斲澗泉。如當風雨夕。四壁更蕭然。

憶同陳皇士家彥和遊支硎天池諸山

詩集  
憶昔曾乘興。同遊夜入山。攜筇探澗底。爆竹響雲間。精舍題詩遍。春風坐石閒。於今安可得。惆悵掩柴關。  
美秀可思

賦得映水芙蓉寄簡襄

回首秋江上。扁舟未忍還。凌波疑洛浦。爲雨憶巫山。每引遊魚戲。常沾曉露殷。浣沙雖有女。誰與比紅顏。

秋日客禾天氣驟寒有懷往時贈衣吳星

子

積雨空庭後。陰風落葉乾。驟驚秋簟冷。誰識客衣單。雅誼懷吳札。高情憶伯鸞。當年解贈者。策馬入長安。

瀨上寄宋其武吳見末李長公諸君

邊城聞鼓角。漂泊客愁新。水長投金瀨。風吹去國身。鳥巢飛落葉。漁艇渡行人。京邑紅塵近。知君共隱淪。  
三四貼瀨上妙

再過天鏡庵訪潛庵禪師

舊名廣長

再過名天鏡。孤筇薄暮停。星光斜貼嶺。月暈直

言詩三集 卷之八 三  
當庭古澗千秋碧。春山四望青。松風無盡響。依  
舊枕邊聽。天發孤鶩宿。雲散孤鷗眠。舊詩得。

雨宿普覺菴寄潘天行徐周道諸君

獨坐僧堂晚。千峰掩夕曛。鄉心一夜雨。行李半  
床雲。燈影空中動。松聲靜裏聞。天涯徒岌岌。何  
處覓同羣。三四寫雨宿幽溪無際

茗山道中寄董芝筠

嬾散雲峰客。攜筇度石橋。僧房茶竈冷。山店酒  
旗飄。一雨將春去。無人問路遙。薇林何處是。東

望自朝朝。

重過下山龍華寺

重過下嶺已殘春。四十年來洞戶新。扶杖靜聽  
松似雨。問津空見石如人。塲邊青草迷樵徑。湖  
上浮雲隱釣綸。猶記一堂層嶂裏。分明滿目碧  
嶙峋。山下湖光與我親。孤舟漁火晚鐘聞。昔年曾飲

新秋雨後聞促織聲作

水村浴罷一披襟。獨坐悠然傍石林。樓上紫簫  
春思遠。枕邊團扇晚涼侵。輕雲擁月生紅暈。細



言三集  
卷之八  
柳搖風散綠陰。午夜夢迴溪雨後。俄聞促織動。秋吟。

小桃源訪呂貞九鍊師

靈巖山下隔溪幽。每逐漁郎繫釣舟。門掩藥爐多水火。花開庭樹自春秋。女冠弟子曾傳法。辟穀仙人罷遠遊。我亦采芝圓嶠客。笑談移日見風流。

過月湖懷吳睿公

久滯長安未得歸。柳花如雪傷人飛。三千里外傷春句。應有時時寄翠幃。

過韓晉度館齋聽畫眉口占

一春都是客山中。閒聽鶉啼處處同。怪道山中禽亦拙。爭如百舌弄春風。

寒山訪文彥可先生

小宛堂前草色濃。蕭蕭杖履古人風。徵君總是前朝事。只合理名住此中。

中秋過瑪瑙菴前憶三宜和尚

瑪瑙庵前碧水秋。清風明月兩悠悠。心驚二十

年前事。曳杖更深到虎丘。和尚住珠明寺時

揚州訪孫無言不值

廣陵斜日炤花關。中有幽人出未還。去後若非

聞一嘯。祇疑攜策向黃山。

過虞山藏海菴謁玉林和尚

葬母山頭嵐翠深。春朝雨後恰幽尋。却看廬墓

茅蓬在古樹。風聲盡佛心。

陳大成集生無錫人所著有影樹樓詩集

長門怨

寂寞漢宮秋。銀燈對轉幽。鴻飛憐皓月。雨雨過

南樓。

雜咏

停君雍門瑟。坐我溪上石。孟嘗三千人。誰似田

橫客。

隣女蕩輕舟。采蓮先自去。小艇欲相隨。花深不

知處。

燕子

燕子雙雙度。為巢傍水鄉。從來自安穩。不去托

雕梁。以上諸作俱古

澣溪看花吟

去年看花花苦雨。今年看花花笑汝。不識花開春有情也。憐花落春無語。澣溪酒香醉四鄰。何為甘作獨醒人。一開一落朝暮事。莫負當壚結束新。

結處有淡致

四月望夜王西樵先生招遊湖舫泛月

此宵看月色。解纜鏡中行。香霧侵衣薄。朱樓隔水明。繁絃客思亂。芳草旅愁生。行樂隨先達。疎

狂恕步兵。

徐永貞

孝先

華亭人

集梅花書屋同宋荔裳諸先生分韻

被襖會仍舉。言過北海堂。對花堪覓句。傷水漫飛觴。柳底啼鶯緩。城隅落日蒼。微才陪宋玉。剪燭話偏長。

北郭園林好。時停長者驂。春雲樹杪出。夕照遠山含。壇坵雄江左。人倫號汝南。把盃多逸興。流水漱餘酣。

寫景俱極秀雋

錢德震

武子

東海人所著有金粟集

東郊訪捐菴

駕言何所適。雙履破苔痕。野色臨高樹。秋聲近郭門。繩橋烟外路。茅屋水邊村。爲有尋幽意。於陵方灌園。  
整鍊處每多姿態

雨

泯泯沙郊雨。空亭荒草濃。柳垂青近幔。雲過白沉峰。巷馬竟何寂。林鶯時一逢。未須忘種葛。烟塢欲相從。

劉球瑛

子玉

同安人

辰山曉起

曉起看庭樹。春禽早近關。青空疑似海。紅白遠。啣山怪石晴。生氣懸泉冷。自浚鴻濛如。可見蓬

島一登還

三四逼真

秋雨堂看牡丹

欲送春歸去。偏因花事來。天香迷小檻。國色迴高臺。月出知神合。風過覺夢回。仙郎方醉客。含笑把詩裁。

疎雨滴梧桐

靜倚西窗聽雨聲。梧桐葉上認分明。琴彈流水音初起。笛度關山韻轉生。點點銅壺秋欲冷。涓涓石溜夜來清。漫言裂繒渾堪聽。夢裡依稀想不成。  
結有餘韻

送魏惟度之金陵

廿年湖海重君名。薄宦天涯媿友生。對月欲分中夜榻。臨風誰鼓暮江笙。六朝舊寺尋梅鶴。三泖空堤妒柳鶯。何日龍津雙合劍。慙慙重話故鄉情。

大家合作

九峯道上

古路堦平淨綠苔。松風時捲湧濤來。峯高九點爭南向。水繞千溪故北回。噉噉征鴻升復下。飛飛暮靄合還開。芳祠誰把蘋蘩薦。處士星黃總草萊。

山祀陳看公

問梅

羅浮一夢到于今。月下風前幾度尋。此日相過殊有意。笛聲無復落溪深。

梅谷

春風久已到寒林。珍重東皇識我心。何必孤山重把臂。竹籬扁處伴高吟。

陳文會

昌奇

長樂人

雨花臺小飲

惆悵高臺望帝州。羈人情豈酒盃留。烟中古寺鐘將暮。雨後殘山樹已秋。綠影不隨紅葉墮。青苔如對白雲愁。當年說泐僧何在。衰草斜陽一故丘。

阮旻錫

疇生

同安人

宿邯鄲

邯鄲山色濃如酒。邯鄲女兒纖似柳。夜深走向邯鄲道。城下寒風襲兩肘。主人索莫客不歡。且把空盃持在手。繁華豪俠一時間。過眼雲烟復何有。昨朝有客大梁回。為問昔時舊屠狗。

渡白溝

渡口爭舟急。人喧落日中。燕山徒向北。溝水自流東。遠岸明秋草。長天沒晚鴻。客心休悵望。舊

事片雲空。

五六蒼老

過趙州題壁

久雨頽邨舍。荒涼此地偏。泥深平馬腹。風急側  
鳶肩。來值三冬雪。歸逢八月天。輕裝餘布衲。頗  
會趙州禪。  
眼前景寫來有趣

吳江舟次

遠岸丹楓映夕曛。寒蟬落葉共紛紛。秋衣浣盡  
吳江水。暮艇看窮越嶺雲。客路每從佳處憶。漁  
歌半是夢中聞。何時重到西湖上。閒與伊人語  
夜分。

傅石漪舟至都門

輕車又復渡盧溝。好作長安三月遊。香氣隨風  
花入市。酒烟如霧客登樓。來當隔歲人無約。坐  
到深宵話未休。祇恐翻成容易別。泖湖春水待  
官舟。

盧元昌 文子 松江人

公乎公乎。不見黃河之水多。風波五尺之兒張。

口嗟人生縱然不顧家何至將身試龍蛇公平  
 公平已白首提壺披髮今焉走河不可馮君知  
 否公平公平何其謬河不可渡妄渡之自趨歎  
 所非人為坎侯坎侯聲何悲  
 極變化之妙

杜門歌

立秋日作

杜門散髮五十日。日日吟詩浮大白。敢曰羲皇  
 以上人。眼前差喜無熱客。昨宵仰見斗柄回。清  
 風習習吹庭槐。呼童起掃蔣生徑。倘有羊裘早  
 晚來。  
 如披其帷清風謾謾

丁胤燼

韜汝

晉江人所著有拙存詩稿

春水曲次家仲兄韻

春水盡情綠。情深鑑紅玉。儂貌未敢矜。波光若  
 為矚。誰家遊冶郎。移舟暗相續。一顧已生愁。莫  
 歌囉噴曲。

擬古讀曲歌

解却繡香囊。贈儂儂不羨人言香。散時看取歡  
 情變。

良鄉道中曉寒



破曉鶯花候。輕寒遂似冬。稍知鴉出樹。猶覺寺無鐘。雲日含舒態。煙霜離合蹤。輕裘初得力。策轡過前峯。

武德舟中曉懷

輕寒風好放船天。濯濯秋容野岸先。殘露入林遙作翠。朝曦着水暫為烟。吳歌放響全依棹。越女新粧半倚舷。此際乍忘塵土慮。鄉心欲辨已無言。

竟陵先步

登劍津城樓

澄潭龍老已千秋。夜夜寒光動女牛。有客攜琴瞻碧漢。何人說劍向滄洲。孤城峭壁半臨水。八面無山不到樓。取次高懷生遠趣。一聲長嘯起

驚鷗。賦題極肖

黃知白 原虛 晉江人

洪畏軒先生池庄增搆落成同人賦賀敬

步原韻

檻外輕烟楊柳柔。西園選勝列芳羞。懸知半畝方塘水。瀛得平湖白鷺洲。琴酒滿堂賓從集。圖

書一榻戶庭幽。政平棘寺多休暇。膏雨應看遍  
麥秋。

集同人錢礎日趙松一諸兄於接待寺倡

韻求和

古槐颯颯聽秋聲。尊酒論心聚友生。此日鷄壇

慚我長。他年虎觀識君名。相思命駕輕千里。惜

別挑燈坐五更。拭目雲霄搏健翮。相期車笠記

分明。

張邁

雪賓長洲人

偕諸同學山行避雨田家古栢下

昨朝東郭今南陌。去住無憑情脈脈。水滿溪塘

柳眼青。隔林復見梅花白。同人策杖將入山。濛

濛春雨迷不前。老農止我短簷下。簷前古栢上

參天樹。傍立祠祀田祖孫子綿綿遙相傳。相傳

此樹托鬼神。斧斤不及全其真。人生多事纏胸

臆。何以自奮立其身。蒼肤兩鬢日幾何。匆匆聚

少離別多。出門回首隨陳跡。渺渺長川嘆逝波。

落紅怨

恨入錢塘蘇小家。春歸無那見飛花。香隨舞袖還驚燕。瓣。胷。遊。絲。未。着。沙。五。夜。夢。魂。追。杜。宇。一。簾。風。雨。聽。琵琶。不教杜牧歸來晚。綠葉成陰祇自嗟。  
幽情逸韻嫋嫋動人

吳宮井

光浮日月寒氣吐烟雲。濕中有蛟龍。蟠山僧不敢汲。

西施洞

藤蘿縈落石。花草醉啼鶯。終古人來少。空山剩

有名。

汪起龍

御公

新安人

同翁清夫魏惟度吳星若袁漢推紫若東

郊卽景和韻

東郊遊冶地。門巷植蓬藜。野衲司茶市。邨童灌菜畦。花明人欲醉。山碧色堪携。縱步踏芳草。閒來信宿棲。

沈希孟

子遷

六合人

邀魏惟度吳星若翁清夫旅山和尚集雲

在齋話舊次韻

聯翩車馬簇山家。三徑門開日正斜。杯影儘堪  
 浮夜月。清言應許共梅花。坐深好友吟秋水。閒

對高僧演法華。世事渾如今夕醉。伊人多半在



同舍青夫賦壯數與題本家與對

武強

公

陳

齊

來

